

四庫全書

經部

# 欽定四庫全書

經部

左傳杜林合注卷二十一

三十一

詳校官監察御史<sub>臣</sub>祝德麟

給事中<sub>臣</sub>溫常綬覆勘

總校官編修<sub>臣</sub>王燕緒

校對官中書<sub>臣</sub>牛稔文

謄錄監生<sub>臣</sub>趙寅

欽定四庫全書

左傳杜林合注卷三十一

王道焜

趙如源 同編

成公一公名惠歷宣公子益

周

定王十七年。魯成公五年。定王崩。子簡王立。

鄭

襄公十五年。魯成公四年。襄公卒。悼公費立。成公六年。悼公卒。弟成公踰立。

齊

頃公九年。魯成公九年。頃公卒。子靈公立。

宋

文公二十一年。魯成公二年。文公卒。子共公國立。成十五年。共公卒。子平公成立。

晉

景公繼霸十年。時卻克為政。魯成公四年樂善為政。成十年景公有疾。晉人立太子州蒲。以為君。伐鄭。

是為厲公。是年景公卒。成十八年。

厲公弑。悼公周立。是年韓厥為政。

衛

穆十一年。魯成公二年。穆公卒。子定公。蒧立。成十四年。定公卒。子獻公。衍立。

蔡

景公二年。

曹

宣公五年。魯成公十五年。宣公卒。弟成公負弔立。

滕

文公十年。魯成公十六年。文公卒。成公原立。

陳

成公九年。

杞

桓公四十七年。

薛

詳見僖  
公九年

莒

魯成公十四年見莒子朱卒一名渠丘公黎北公密州立又名賈主鉏

邾

定公二十四年○魯成公十七年定公卒宣公徑立

許

肅公二年○魯成公十五年許遽子荼

小邾

詳見僖  
公元年

楚

共王元年○魯成公二年戴今尹子重救齊成十六年司馬子反將中軍子重將左戡子耶陵敗靖晉射

共王中目  
楚殺子反

秦

桓公十五年○魯成公十四年桓公卒子景公立

吳

魯成公七年吳伐郢始見經即吳子壽夢也壽夢一名乘

越

詳見隱公元年

經

平

元年春王正月公即位

無傳

○二月辛酉葬我君宣

公

無傳

○無冰

無傳周二月令之十月而無冰書冬溫

○三月作丘甲

周禮九夫

為井四井為邑四邑為丘丘十六井出戎馬一匹一匹牛三

頭四丘為甸甸六十四井出長轂一乘戎馬四匹牛十二頭甲士三人步卒七十二人此甸

○夏臧孫許及晉

侯盟于赤棘

晉地

○秋王師敗績于茅戎

茅戎我別種也不言戰王者至

尊天下莫之得枝故以自敗為文不書敗地而書茅戎明為茅戎所敗書秋從告○茅亡交反史記二傳皆作

賀  
○冬十月

傳元年春晉侯使瑕嘉平戎于王

杜平文十七年祁垂之後詹嘉處瑕故謂

之瑕

單襄公如晉拜成

杜單襄公王卿士謝晉為平戎○單音善

劉康公微

戎將遂伐之

杜康公王季子也戎平還欲要其無備○微古亮反

叔服曰背盟而

欺大國此必敗

杜叔服周內史林新與我盟而伐之是背盟晉為平戎而背之是欺大國○背

奇佩

下同背盟不祥欺大國不義神人弗助將何以勝

杜背盟則

得罪于神不為神之所佑欺大國則得罪於人不為人之所義神於人皆不相佑助將何所持而可以勝戎

不聽遂伐茅戎三月癸未敗績于徐吾氏

徐吾氏茅戎之別也○

為齊難故作丘甲

杜前年魯乞師於楚欲以伐齊楚師不出故懼而作丘甲○難乃旦反

○聞齊將出楚師夏盟于赤棘

杜與晉盟懼齊楚

○秋王人來

告敗

杜解經所

○冬臧宣叔令修賦繕完

林今魯國之人修賦車馬

治完城郭○繕市善反

具守備曰齊楚結好我新與晉盟晉楚爭

盟齊師必至雖晉人伐齊楚必救之是齊楚同我也

林晉

楚二國爭為盟主齊既黨楚必來伐魯雖晉為魯伐齊楚必以結好之故而救齊是齊楚共伐我也杜同共也

○守手又反

知難而有備乃可以逞

林逞解也乃可以解於難杜為二年

齊侵伐

我傳



經士申二年春齊侯伐我北鄙。夏四月丙戌衛孫良夫

帥師及齊師戰于新築衛師敗績

杜新築衛地皆陳曰戰大崩曰敗績四月

無丙戌丙戌五月一日林衛書大夫帥師于是始。築音竹

○六月癸酉季孫行父

臧孫許叔孫僑如公孫嬰齊帥師會晉卻克衛孫良夫

曹公子首及齊侯戰于鞌齊師敗績

杜魯乞師於晉而不以與謀之例者

從盟主之令上行於下非匹敵和成之類例在宣七年曹大夫常不書而書公子首者首命於國備於禮成為卿故也林宰齊地去齊五百里書魯四卿是各自為帥也自文之季年而無使介至是而無將佐魯三家之勢成也。○僑其驕反卻去逆反

○秋七月齊侯使國佐如師已酉及國

佐盟于袁婁

林毅梁曰袁婁去齊五十里林楚屈完來盟于師齊桓公退師而後盟于召陵修禮

如楚也齊侯使國佐如師晉卻克進師而後盟于袁婁不禮于齊也夫以齊桓公之所不敢而四國之大夫敢

為之甚矣罕戰之愆也

○八月壬午宋公鮑卒

杜未同盟而赴以名林文公卒子共

公國立○鮑步如反

○庚寅衛侯速卒

杜宣十七年盟于斷道據傳庚寅九月七日林穆公

卒子定公立

○取汶陽田

晉使齊還魯故言取不以好得故不言歸○汶音問

○冬楚

師鄭師侵衛

杜子重不害不親伐

○十有一月公會楚公子嬰齊

于蜀

杜公與大夫會不貶嬰齊者時有許蔡之君故林自屈完以來楚大夫皆無氏族而書公子自嬰齊

始○丙申公及楚人秦人宋人陳人衛人鄭人齊人曹

人邾人薛人鄆人盟于蜀

杜齊在鄭下非卿傳曰卿不書通盟也然則楚卿于是始

與中國準自此以下楚卿不書皆貶也

傳二年春齊侯伐我北鄙圍龍

杜龍魯邑在泰山博縣西南

頃公之

嬖人盧蒲就魁門焉

杜攻龍門也。頃音龍人囚之要必計反魁苦回反

龍人囚之

齊侯曰勿殺吾與而盟無入而封

林而汝也我與汝為盟誓無以師入汝之

封弗聽殺而膊諸城上

膊磔也。膊音各反

齊侯親鼓士陵城三

日取龍遂南侵及巢丘

取龍侵巢丘不書其義未聞

○衛侯使孫良

夫石稷甯相向禽將侵齊與齊師遇

杜齊伐魯還相遇於衛地良夫孫林

父之名石援石碯四世孫甯相甯俞子林未至齊境故言將侵齊○相息亮反向舒亮反石子欲還

孫子曰不可以師伐人遇其師而還將謂君何以師伐

齊反遇齊師而歸若知不能則如無出今既遇矣不如將何以答君命

戰也夏有關文大新石成子曰師敗矣子不少須衆懼

盡杜成子石援也衛師已敗而孫子喪師徒何以復命

皆不對又曰子國卿也隕子辱矣杜隕見禽獲林言良

則為衛國之辱○喪息浪反隕子敏反子以衆退我此乃止林使良夫自

我止於此且告車來甚衆杜新築人救孫桓齊師乃止

為樂齊師

次于鞠居

林齊師知衛殺至乃止不敢追杜鞠居衛地○鞠居六反

新築人仲叔于

奚救孫桓子桓子是以免

林于奚守新築大夫孫桓子即孫良夫

既言既

也衛人賞之以邑

杜賞于奚

辭請曲縣

軒縣也周禮天子樂宮縣四面諸侯軒縣

閩南方○縣音玄

繁纓以朝許之

杜繁纓馬飾皆諸侯之服林以朝朝于君也○繁步于反

仲尼聞之曰惜也不如多與之邑唯器與名不可以假

人

杜器車服名爵號

君之所司也

林此器與名乃人君之所司主也

名以出信

杜名位不愆為民所信

信以守器

林動不失信則車服可保

器以藏禮

杜車服所以表

尊禮以行義

杜尊卑有禮各得其宜

義以生利

杜得其宜則利生

利以平

民

林何所以聚人曰財  
政利所以平民

政之大節也若以假人與人政也

政亡則國家從之弗可止也已

林若以器名假借於人  
是以國家之政而與他

人也國既無政則國家從  
而滅亡弗可救止也已

○孫桓子還於新築不入

杜

八遂如晉乞師臧宣叔亦如晉乞師皆主卻獻子

杜宣

年卻克至齊為婦人所笑遂怒故魯衛因之孫  
桓子臧宣叔皆不以國命各自詣卻克故不書

晉侯許

之七百乘

五萬二千五百人  
○束繩經反下同

卻子曰此城濮之賦也

杜城

濮在倍二十八  
年○濮音卜

有先君之明與先大夫之肅故捷克於

先大夫無能為役

杜無能為  
之役使

請八百乘許之

杜六  
萬人

卻克

將中軍士變佐上軍

杜范文子代荀庚。將子匠反。

樂書將下軍

代趙朔。

韓厥為司馬以救魯衛臧宣叔逆晉師且道之

林臧宣叔乞師。

先歸故往逆晉師且為晉師向道。道音導。

李文子帥師會之及衛地韓獻

子將斬人卻獻子馳將救之

林韓獻子即韓厥將以軍法斬人卻克驅馳而往將

救止之。

至則既斬之矣卻子使速以徇告其僕曰吾以分

謗也

林卻克使韓厥速以徇於軍不欲使韓氏獨受殺人之謗。徇以徭反。

師從齊師于

莘

莘齊地。年所先反。

六月壬申師至于靡笄之下

杜靡笄山名。靡如字又。

音摩笄音難。

齊侯使請戰曰子以君師辱於敝邑不腆敝賦

詰朝請見

杜詰朝平旦林言平旦請以軍禮相見○映他典反詰起吉反朝如字下同見賢通反

對曰晉與魯衛兄弟也來告曰大國朝夕釋憾於敝邑

之地

林三國皆姬姓故言兄弟也又大國謂齊敝邑魯衛自稱○憾胡暗反本又作憾

寡君不

忍使羣臣請於大國無令輿師淹於君地

林晉君不忍魯衛受伐之

滕使羣臣請於大國無令輿師淹於君地  
於齊之土地○今力呈反師如字下同一音所類反  
能

進不能退

林言晉師能進攻不能退保

君無所辱命

杜言自欲戰不獲須君命齊

侯曰大夫之許寡人之願也若其不許亦將見也齊高

固入晉師築石以投人

杜築

禽之而乘其車

杜既獲其人因釋已



車而載所獲者車

繫桑本馬以徇齊

杜將至齊墨以桑樹繫車而走欲自異

曰

欲勇者賈余餘勇

杜賈賣也言已勇有餘欲賣之○賈音古

癸酉師陳于鞌

邴夏御齊侯逢丑父為右晉解張御卻克鄭丘緩為右

齊侯曰余姑翦滅此而朝食

杜姑且也剪盡也林言我且剪滅此輩而後早食輕

敵之甚也○陳直觀反邴音丙又被命反解音蟹張如字一音直亮反

不介馬而馳之

杜甲

介也林馬不被甲而馳晉師

卻克傷於矢流血及屨未絕鼓音

杜中軍將

自執旗鼓故雖傷而擊鼓不息

曰余病矣張侯曰自始合而矢貫余手

及肘余折以御左輪朱殷豈敢言病吾子恐之

杜張侯解張也

朱血色血色久則殷殷音近煙今人謂赤黑為殷色言血多汚車輪御猶不敢應林解張凡中兩矢折其矢以御兵車。貫古亂反用竹九反折之設反殷於閑反徐於辰反緩曰丘緩自始合苟

有險余必下推車子豈識之然子病矣

杜以其不識已推車。推昌誰

反反他回反下推車同

張侯曰師之耳目在吾旗鼓進退從之此

車一人殿之可以集事若之何其以病敗君之大事也

杜殿鎮也集成也林言三軍之耳目在吾將軍之旗鼓三軍皆視我以為進退此戎車一人鎮之可以集成勝

齊之事如何可以一身之病而敗

撥甲執兵固即死也

杜撥貫也即就也林貫甲而執兵器固將以死敵也。撥音惠

病未及死吾子勉之左

并轡右援枹而鼓馬逸不能止師從之

林帥克聞張侯之言乃左手并

執馬轡右手援鼓枹而擊鼓我馬奔逸不可復止晉師從帥克之軍○并必改反徐方聘反援音爰枹音浮鼓

枹也字林云擊鼓柄也本亦作浮齊師敗績逐之三周華不注杜華不注山名

林繞華不注之山凡三匝也韓厥夢子輿謂已曰且

辟左右杜子輿韓厥父林言故中御而從齊侯杜居中

自非元帥御者皆在中將左邴夏曰射其御者林邴夏以御者居中故以韓厥為御欲射

之君子也公曰謂之君子而射之非禮也齊侯不知戎禮○射食亦

反下射其左越于車下林射韓厥之車左射其右斃于

同車左隊于車下左傳杜林合注

車中

林獲射韓厥之車右車右死于軍中

綦母張喪車從韓厥曰請寓乘

杜綦母晉大夫寓寄也○綦音其母音無喪息浪反乘繩證反

從左右

林綦母張欲從左右而載

皆肘之使立於後

杜以左右皆死不欲使立其處

韓厥悅定其石

悅俯也右

被射仆車中故俯安隱之○悅音龜

逢丑父與公易位

林逢丑父為車右見事急故易位居

公之處

將及華泉驂絰於木而止

杜驂馬絰也○華戶化反絰戶絰反一音卦驂

七南反

丑父寢於轡中

杜轡士車林轡卧車也丑父寢于其中○轡仕產反字林仕諫反

蛇出于其下以肱擊之傷而匿之故不能推車而及

林有

蛇出於轡車之下丑父以手肱打蛇傷其肱而藏匿之丑父肱傷故不能推車而為晉師所及○肱古弘反匿

女力 韓厥執紼馬前杜縶馬絆也執之示修再拜稽首

奉觴加璧以進

進觴璧亦以示敬。觴式羊反。

曰寡君使羣臣為魯衛

請曰無令輿師陷入君地

杜本但為二國救請不欲乃過入君地謙辭。為于協反。

令力

下臣不幸屬當戎行無所逃隱

杜屬通也林下臣韓厥自稱正當戎

車之行列無所逃避而隱

且懼奔辟而忝兩君臣辱戎

士

杜若奔辟則為辱晉君并為齊侯羞故言二君此蓋韓厥自處臣僕謙敬之辭言。辟音避徐扶臂反服

氏扶

敢告不敏攝官承乏

杜言欲以已不敏攝承空乏從君俱還

丑父使

公下如華泉取飲

林時丑父代為齊侯故詐使公下車往華泉取水而飲欲使公因而走遠

鄭周父御佐車宛茂為右載齊侯以免

杜佐車副車宛軒元反茂扶

廉反韓厥獻丑父卻獻子將戮之呼曰自今無有代其君

任患者有一於此將為戮乎

林僅有我一人代君任患者乃以為罪而戮之乎○呼

天故反卻子曰人不難以死免其君我戮之不祥赦之

以勸事君者乃免之齊侯免求丑父三入三出

杜重其代已故

三八晉軍求之

每出齊師以帥退入于狄卒

齊師大敗皆有退心

○難乃旦反故齊侯輕出其衆以帥屬退者遂進入狄卒

狄卒者狄人從晉計齊者○卒子忽反下同狄卒皆抽

戈楯冒之以入于衛師衛師免之

杜狄衛畏齊之強故不敢害齊侯皆共免

護之。○猶食草反遂自徐關入齊侯見保者曰勉之齊

又音允○冒亡報反

師敗矣。杜所過城邑皆勉勵其守者

辟女子

杜使辟君也齊侯單還故婦人不辟之。○辟音

避一音

女子曰君免乎曰免矣曰銳司徒免乎曰免矣

杜銳司徒主銳兵者。○銳悅歲反

曰苟君與吾父免矣可若何

言餘人不可援

如乃奔。杜走

齊侯以為有禮

杜先問君後問父故也

既而問之辟

司徒之妻也

杜辟司徒主壘者。○辟音壁必覓反徐甫亦反

予之石窀

杜石窀邑

名濟北盧縣東有地名石窀。○窀力救反一音力到反

晉師從齊師入自丘輿擊

馬陘

杜丘輿馬陘皆齊邑。○陘音刑

齊侯使賓媚人賂以紀甌玉磬與

地

杜媚人國佐也

異反觀魚輦反徐音彥又音言字林牛健反

不可則

聽容之所為

林牧謂音也

賓媚人致賂晉人不可曰必以蕭

同叔子為質

同叔蕭君之字齊侯外祖父子女也難斥言其母故遠言之○質徐音致下同

使齊之封內盡東其畝

杜使整畝東西行○盡津忍反

對曰蕭同叔子

非他寡君之母也若以匹敵則亦晉君之母也

林若以齊晉匹

敵言之則齊君之母亦晉君之母其為君母一也

吾子布大命於諸侯而曰必

質其母以為信其若王命何

林先王以孝治天下今質其母是違王命

且是

以不孝令也詩曰孝子不匱永錫爾類

杜詩大雅言孝心不乏者又能



以孝道長賜其志類若以不孝令於諸侯其母乃非德類也乎杜

以孝德賜同類先王疆理天下物王之宜而布其利杜疆界也

王之宜播殖之物各從土宜故詩曰我疆我理南東其畝杜詩小雅或南或東

從其土宜今吾子疆理諸侯而曰盡東其畝而已唯吾子戎

車是利杜晉之伐齊循壘東行易無顧王宜其無乃非先王之命也

乎反先王則不義何以爲盟主其晉實有闕杜闕失四王

之王也言禹湯文武樹德而濟同欲焉杜樹立也濟成也林自立明德

而成諸侯之所同欲五伯之霸也杜夏伯昆吾商伯大彭豕韋周伯齊桓晉文或曰齊桓晉文

宋襄秦

勤而撫之以役王命

林雖不能立德以成同欲然皆勤力以撫綏諸侯以

奔走服役於王命不放改先王之制度杜後事也

今吾子求合諸侯以逞無疆

之欲

杜疆也

詩曰布政優優百禄是道

詩頌殷湯布政優和故百禄未聚道

聚也。道在由反又徐子由反

子實不優而棄百禄諸侯何害焉

杜言不能

為諸侯害不然

杜不見許

寡君之命使臣則有辭矣曰子以君師

辱於敝邑不腆敝賦以犒從者

戰而曰犒為豫辭。使所吏反犒告報反從才

用反畏君之震師徒撓敗

林畏晉君震動之威齊之師徒撓曲喪敗。撓乃教反

吾

子惠徼齊國之福不泯其社稷使繼舊好唯是先君之

敵器土地不敢愛子又不許請收合餘燼

杜燼火餘木  
泯彌忍反

好呼報反合如字  
一音闇燼姁乃反

背城借一

杜欲於城下復借  
一戰。背音佩

敵邑之

幸亦云從也況其不幸敢不唯命是聽

杜若齊幸而得  
勝亦云從晉求

和而況不幸而又戰敗  
敢不唯晉之命是從

魯衛諫曰齊疾我矣

杜諫卻其  
克也

死亡者皆親暱也子若不許誓我必甚唯子則又何求

子得其國寶

杜謂羸若  
暱女乙反

我亦得地

杜齊歸  
所侵

而紆於難

杜齊服則難緩  
也一音直呂反難乃旦反

其榮多矣齊晉亦唯天所

授豈必晉

林齊晉戰勝亦唯天意之  
所授豈必晉盛可以勝齊

晉人許之對曰羣

臣帥賦輿

杜賦輿猶兵車

以為魯衛請若苟有以藉口而復於

寡君

杜藉薦獲白也。為子為反藉在夜反。

君之惠也敢不唯命是聽禽

鄭自師逆公

禽鄭魯大夫歸逆公會晉師

秋七月晉師及齊國佐盟

子爰婁使齊人歸我汶陽之田

林汶陽之田本魯地為齊所侵故晉使齊歸之

于公會晉師于上鄆

上鄆地闕公會晉師不書史闕。鄆見經反。

賜三帥先

路三命之服

三帥卻克士燮樂書已嘗受王先路之賜今改而易新并此車所建所服之物。帥

所類

司馬司空與帥候正亞旅皆受一命之服

杜晉司馬司空

皆大夫與帥主兵車候正主斥

○八月宋文公卒始厚

候亞旅亦大夫也皆魯侯賜

葬用蜃炭益車馬始用殉

杜曉蛤為炭以瘞壙多埋車馬用人從葬。蜃市恐反蛤

也炭吐旦反殉以倭反

重器備

林重猶多也器備葬器甲兵之備。重直恭反

槨有四阿

棺有翰檜

杜四阿四注槨也翰旁餘檢上飾皆王禮。樽音郭翰戶旦反一音韓檜古外反徐音會

君子謂華元樂舉於是乎不臣

林華元樂舉皆宋卿

臣治煩去惑

者也是以伏死而爭今二子者君生則縱其惑

杜謂文十八年

殺母弟頊。去起呂反爭爭闕之爭

死又益其侈是棄君於惡也何臣之

為

杜若言何用為臣。侈昌氏反又式氏反

○九月衛穆公卒晉三子自役

弔焉哭於大門之外

杜師還過衛故因弔之未獲命故不敢成禮

衛人逆之

送於門外婦人哭於門內

喪位婦人哭於堂賓在門外故移在門內

送亦如

之

林送客禮亦如初至

遂常以葬

至葬行此禮

○楚之討陳夏氏也

在宣

十一年夏戶雅反

莊王欲納夏姬申公巫臣曰

林巫臣為申縣公

不可

君召諸侯以討罪也今納夏姬貪其色也貪色為淫淫

為大罰

林言楚莊王召諸侯而伐陳以討微舒弑君之罪今納夏姬於嬪御是貪夏姬之色也貪慕女

色則為淫亂淫亂為先王之大罰

周書曰明德慎罰

杜周書康誥

文王所以

造周也明德務崇之之謂也慎罰務去之之謂也若興

諸侯以取大罰非慎之也

林非先王謹慎刑罰之意

君其圖之王乃

止子反欲取之巫臣曰是不祥人也是天子蠻杜子蠻

夏姬之兄殺御叔御叔夏姬之夫亦弑靈侯杜陳靈公也戮

夏姬無後夏南杜夏姬子微舒出孔儀林孔寧儀行父喪陳國杜楚滅陳何不

祥如是人生實難其有不獲死乎言死易得無為天下

多美婦人何必是子反乃止王以予連尹襄老襄老死

於邲不獲其尸杜邲戰在宣十二年其子黑要烝焉杜黑要襄老子要一邋

反烝之巫臣使道焉曰歸吾聘女杜道夏姬使歸鄭又

使自鄭召之曰尸可得也林巫臣又使人詐自鄭來召

也必來逆之姬以告王王問諸屈巫

杜屈巫巫臣屈居勿反

對曰

其信知罃之父成公之嬖也而中行伯之季弟也

杜知罃父

荀首也中行伯荀林父也邲之戰楚人因知罃○知音智罃於緡反

新佐中軍而善鄭皇

成

林荀首佐中軍與鄭皇成相善

甚愛此子

杜愛知罃也

其必因鄭而歸王

子與襄老之尸以求之

杜王子楚公子穀臣也邲之戰荀首囚之林荀首欲得其子其

必因鄭皇成以穀臣與襄老之尸求易知罃于楚

鄭人懼於邲之後而欲求媚

於晉其必許之王遣夏姬歸將行謂送者曰不得尸吾

不反矣巫臣聘諸鄭鄭伯許之

杜聘夏姬

及其王即位將為



陽橋之役

楚伐魯至陽橋在此年冬○共音恭

使屈巫聘于齊且告師期

巫臣盡室以行

林巫臣因出聘盡挈其家室以去

申叔跪從其父將適

郢遇之

杜叔跪申叔時之子○跪其妻反從才用反郢以井反又以政反

曰異哉夫子

有三軍之懼而又有桑中之喜宜將竊妻以逃者也

杜桑

中衛風淫奔之時林言巫臣往告師期是有三軍之懼將淫夏姬是有桑中之喜

及鄭使介反

幣而以夏姬行

杜介副也幣聘物○介音界

將奔齊齊師新敗曰吾

不處不勝之國遂奔晉而因卻至

至卻克族子

以臣於晉晉

人使為邢大夫

邢晉邑○邢音刑

子反請以重幣錮之

林欲以重幣賂

晉葉銅臣勿使  
之社。銅音固。

王曰止其自為謀也則過矣其為吾

先君謀也則忠忠社稷之固也所蓋多矣

林言巫臣之自為謀與夏

姬淫奔則有過失為楚莊王謀勿納夏姬以貪女色則為忠矣人臣盡忠社稷所由以安國也諫君之惠足以

蓋覆其淫奔之罪多矣又蓋覆也。為于偽反。且彼若能利國家雖重幣晉將

可乎

杜言不許

若無益于晉晉將棄之何勞銅焉

為七年楚滅武臣族

晉南通吳張木

○晉師歸范文子後入武子曰無為吾望爾也

乎

杜武子王會文子之父蓋言文子後入獨不為我望汝之切乎

對曰師有功國人喜

以逆之先入必屬耳目焉是代帥受名也故不敢武子

曰吾知免矣

林范文子言晉師新有大功晉國之人喜其有功而往迎之若先入國入必屬耳目

於我以爲皆我之功是我代元帥受有功之名故不敢先入武子喜曰吾知免於禍矣以文子謙遜知其不益

已禍○屬章欲反後同帥所類反

卻伯見公曰子之力也夫對曰君之

訓也二三子之力也臣何力之有焉

林卻伯卻克○見賢通反下同夫音

扶范叔見勞之如卻伯對曰庚所命也克之制也變何

力之有焉

林范叔即范文子杜荀庚將上軍時不出范文子上軍佐代行故稱帥以讓○勞力報反

欒伯見公亦如之對曰變之詔也士用命也書何力之

有焉

詔告也欒書下軍帥故推功上軍傳言晉將帥克讓所以能勝齊

○宣公使求好

于楚莊王卒宣公薨不克作好

杜在宣十八年。好呼報反下同。

公即

位受盟于晉

杜元年盟赤棘

會晉伐齊衛人不行使于楚

杜不聘楚

○使所吏反

而亦受盟于晉從於伐齊故楚令尹子重為陽

橋之役以救齊

林楚侵魯及陽橋故曰為楊橋之役以救齊

將起師子重曰

君弱

傳曰寡人生十年而喪先君共王即位至是二年蓋年十二三矣

羣臣不如先大

夫師衆而後可詩曰濟濟多士文王以寧

杜詩大雅言文王以衆士

安○齊于禮反

夫文王猶用衆况吾齊乎

林文王之聖猶以衆士為安况哉齊輩去

文王甚遠可不恃衆以安手儕儕等○儕仕皆反

且先君莊王屬之曰無德以

及遠方莫如惠恤其民而善用之

林楚莊王臨終屬託羣臣之辭言君無明

德以服遠方諸侯之國莫如加惠撫恤其民而善用其力以爭諸侯

乃大戶

閱民已責棄

青

速鰥

施及老鰥

救之赦罪悉師

楚悉起

王卒盡行彭名御

戎蔡景公為左許靈公為右

杜王卒盡行故王戎車亦行雖無楚王今二君當左

右之位○

二君弱皆強冠之

林欲使攝戎車左右故強冠之使若成人○強其大

反冠古

冬楚師侵衛遂侵我師于蜀

杜公賂之而退故不書侵

孫往

杜臧孫宣叔也林魯使臧孫往使楚師

辭曰楚遠而久固將還矣無

功而受名臣不敢

林言楚道遠而又久出國將自退師奉使無功而虛受退楚之名臣不敢

蓋藏宣叔不欲使楚而孫辭以求免

楚侵及陽橋

杜陽橋魯地

孟孫請往賂之

杜楚侵遂深故孟孫請以賂往孟孫獻子也

以執斲執鍼織紵

杜執斲匠人執鍼女工織

紵織縉布者○斲竹角反鍼之林及紅女金反徐而爲反

皆百人公衡爲質

杜公衡成公子

○質音致

以請盟楚人許平十一月公及楚公子嬰齊蔡侯

許男秦右大夫說宋華元陳公孫寧衛孫良夫鄭公子

去疾及齊國之大夫盟于蜀

杜齊大夫不書其名非卿也○說音悅去起呂反

卿不書匱盟也於是乎畏晉而竊與楚盟故曰匱盟

林匱

乏也言匱乏而盟

蔡侯許男不書乘楚車也謂之失位

杜乘楚王車爲

左右則失位也卿不書則攝人諸侯不書皆不見經君臣之別君子曰位其不可不慎

也乎蔡許之君一失其位不得列於諸侯況其下乎位

大位也言諸侯不可不謹慎於其位也蔡許二國之君一失其位為楚左右不得復在諸侯之列況其下之卿

大夫可不謹慎其位乎詩曰不解于位民之攸墜杜詩大雅言在

則國安而民惠也被所也墜息也○解佳賁反墜許器反其是之謂矣林言蔡許解

不能國安而民息○楚師及宋公衡逃歸臧宣叔曰衡父不忍

數年之不宴杜宴樂也林衛父即公衡言公衡不忍以

棄魯國國將若之何誰居後之人必有任是夫國棄矣

林述楚而歸是棄魯國之好居辭也猶言誰與後之人必有當其答者不知為離魯國之事衡父恐棄之矣○

居音基仕音

壬夫音扶

是行也晉辟楚畏其衆也君子曰衆之不

可以已也大夫為政猶以衆克况明君而善用其衆乎

林言衆之不可以止而不用公子嬰齊為政猶以楚師之衆克遂有功何況英明之君而得衆以善用之乎

大誓所謂商兆民離周十人同者衆也

杜大誓周書萬億曰兆民離則

弱合則成衆言能以散亡周以衆興

○晉侯使鞏朔獻齊捷于周王弗見

使單襄公辭焉曰蠻夷戎狄不式王命

杜式用也○淫捷在接反

酒毀常王命伐之則有獻捷王親受而勞之所以懲不



敬勸有功也

林淫於色而子酒毀壞其典常於是方伯奉王命而征伐之則有獻捷于王之禮天

子親受其捷而勸勞之所以懲戒夷狄之不敬勸獎諸侯之有功也○酒而善反勞力報反

兄弟甥

舅侵敗王畧王命伐之告事而已不獻其功所以敬親

暱禁淫慝也

林兄弟同姓諸侯甥舅異姓諸侯侵敗王室之經畧法度方伯奉王命而征伐之告

成事於王室而已不以因獲俘馘獻功天子所以敬重親戚暱愛禁止淫亂邪慝也杜濤慝謂競掠百姓取因

得也○敢必遽反暱女乙反慝他得反

今叔父克遂有功于齊

林天子謂同姓諸侯

曰叔父杜克能也

而不使命卿鎮撫王室所使來撫余一人而

鞏伯實來未有職司於王室

林大國三卿其二卿命于天子天子自稱曰余一人

鞏伯即鞏朔為上軍大夫  
名位卑微未達於王室

又奸先王之禮

杜謂鞏齊捷  
奸音干

余雖欲於鞏伯

杜欲受其蔽

其敢廢舊典以忝叔父夫齊甥舅

之國也而大師之後也

杜齊世與周昏故曰甥舅林大  
公為周大師封於齊故曰大師

之後○

寧不亦淫從其欲以怒叔父抑豈不可諫誨

林言

大音泰

齊豈不亦以淫亂從肆其嗜欲以取怒於晉國抑豈不  
可諫止而教誨之乃至戰伐兵爭之勝○從才用反亦

作縱士莊伯不能對

杜莊伯鞏朔

王使委于三吏

杜委屬也三吏三公也林

三公者天子之吏也

禮之如侯伯克敵使大夫告慶之禮降於卿

禮一等王以鞏伯宴而私賄之

林禮鞏朔以侯伯克敵  
使大夫告慶于周之禮

羣朔晉大夫故降於卿禮一等定王既詰羣朔後與之私宴以好賄私結之

使相告之曰非

禮也勿籍

杜相相禮者籍書也王畏晉故私宴賄以慰羣朔林言此宴賄皆非禮之正也勿書此以

為禮典○相息亮反

經

癸酉

三年春王正月公會晉侯宋公衛侯曹伯伐鄭

杜宋

衛未葬而稱爵以接鄰國非禮也

○辛亥葬衛穆公

無傳

○二月公至自

伐鄭

無傳

○甲子新宮灾三日哭

無傳三年喪畢宣公神主新入廟故謂之新宮

書三日哭善得禮宗廟親之神靈所憑居而遇灾故哀而哭之

○乙亥葬宋文公

無傳七月

而葬

○夏公如晉○鄭公子去疾帥師伐許

林鄭始書大夫將

○公至自晉

無傳

○秋叔孫僑如帥師圍棘

杜棘汶陽田之邑在濟北

蛇丘

○大雩

無傳以過時書

○晉卻克衛孫良夫伐廐咎如

杜赤

狄別種。廐在良反。咎古刀反。

○冬十有一月晉侯使荀庚來聘。○衛

侯使孫良夫來聘。○丙午及荀庚盟。丁未及孫良夫盟。

杜先晉後衛尊霸主林聘而遂盟之於是始

○鄭伐許

杜無傳不書將帥告辭略林狄鄭也楚之

伯鄭為之也由齊桓以來爭鄭於楚桓公卒鄭始朝楚諸夏之變於夷鄭為亂階也至辰陵鄭帥諸夏而事楚矣敗晉于邲盟十四國之君大夫于蜀皆鄭為之是故狄秦而後狄鄭微秦鄭中國無左社矣

傳三年春諸侯伐鄭次于伯牛討邲之後也

伯牛鄭地邲後在宜

十二  
年 遂東侵鄭晉潛軍深入鄭公子偃帥師禦之偃務公子使東

鄙覆諸鄢杜覆伏兵也林公偃使鄭東鄙之人設伏兵於鄢以攻晉師○覆扶又反鄭亡素反徐武

旦反一音萬敗諸丘輿杜鄭丘輿皆鄭地晉偏軍為鄭所敗故不書皇戌如楚獻

捷林獻丘輿之捷于楚○夏公如晉拜汶陽之田前年晉使齊歸魯汶陽田故

○許恃楚而不事鄭鄭子良伐許林子良即公子去疾○晉人歸

楚公子穀臣與連尹襄老之尸于楚以求知營杜郕之戰楚獲

知營于是荀首佐中軍矣杜荀首知營父林佐晉中軍故晉人為求其子故楚人

許之王送知營曰子其怨我乎對曰二國治戎臣不才

不勝其任以為俘馘執事不以鼙鼓

杜以血塗鼓為鼙鼓。勝音升。俘芳。

夫反馘古獲反。鼙許覲反。

使歸即戮君之惠也。臣實不才又誰敢怨

言臣實自無才能以至於此。又敢歸怨於誰人言無所怨也。

王曰然則德我乎對曰

二國圖其社稷而求紓其民

杜紓緩也。林晉楚圖謀其安社稷之事而求紓緩其

民力。紓舒音舒。

各懲其忿以相宥也

杜宥赦也。懲直升反。宥音又。

兩釋累囚

以成其好

杜累繫也。反好呼報反下同。

二國有好臣不與及其

誰敢德

林言二國本不為已而和又敢歸德於誰人言亦無所德也。與音預。

王曰子歸

何以報我對曰臣不任受怨君亦不任受德無怨無德

不知所報

林杜當也言臣不當受怨楚之名楚君亦不當受德臣之名既不思報怨又不思報德

王曰雖然必告不穀對曰以君之靈累臣得歸骨於晉

寡君之以為戮死且不朽

林若晉君戮其不勝任之罪則此身雖死而感楚之恩終

不朽

若從君之惠而免之以賜君之外臣首

杜稱於異國君曰外

臣首其請於寡君而以戮於宗

林得請而以戮於知氏之宗

亦死且

不朽若不獲命

杜君不許戮

而使嗣宗職

杜嗣其祖宗之位職

次及於

事而帥偏師以修封疆

林以次第而及於晉國之政事以修治晉國疆場之事○疆居

良雖遇執事

杜遇楚將帥

其弗敢違

杜違辟也

其竭力致死無有

二心以盡臣禮所以報也

林當竭盡忠力致死以命以與楚戰不敢有攜戴之心以

盡人臣事君之禮所以報楚之德不過如此

王曰晉未可與爭重為之禮而

歸之○秋叔孫僑如圍棘取汶陽之田

林在前年

棘不服故

圍之

杜橋如叔孫得臣子

○晉卻克衛孫良夫伐廐咎如討赤狄

之餘焉

杜宣十五年晉滅赤狄潞氏其餘民散入廐咎如故討之

廐咎如潰上失民

也

林民逃其上曰潰杜此傳釋經之文而經無廐咎如潰蓋經闕此四字○潰戶內反

○冬十一

月晉侯使荀庚來聘且尋盟

杜尋元年赤棘盟荀庚林父之子

衛侯使

孫良夫來聘且尋盟

杜尋宣七年盟

公問諸臧宣叔曰中行伯



之於晉也其位在三

林中行伯即荀唐以荀林父為晉中行因以為氏故亦謂中行伯晉

下卿故位在第三

孫子之於衛也位為上卿將誰先對曰次國

之上卿當大國之中中當其下下當其上大夫

杜降一等小

國之上卿當大國之下卿中當其上大夫下當其下大

夫

杜降大國二等

上下如是

林其上卿下卿相當如是

古之制也衛在晉不

得為次國晉為盟主其將先之

林古制公為大國侯伯為次國子男為小國衛

之視晉春秋時以疆弱為大小故衛雖侯爵猶為小國計等則衛為小國上卿與晉大國之下卿名位正敵以

盟主故先晉可也

丙午盟晉丁未盟衛禮也

林得大小先後之禮

〇十二

月甲戌晉作六軍

為六軍僭王也萬二千五百人為軍

韓厥趙括鞏朔韓

穿荀騅趙旃皆為卿賞鞏之功也

杜韓厥為新中軍趙括佐之鞏朔為新上

軍韓穿佐之荀騅為新下軍趙旃佐之晉舊自有三軍今增此故為六軍林賞二年戰鞏敗齊之功○騅音佳

○齊侯朝于晉將授玉

杜行朝禮林執玉為贄

卻克趨進

杜卻克以宣十

七年笑辱之憾故趨進

曰此行也君為婦人之笑辱也寡君未之

敢任

杜言齊侯之來以謝婦人之辱非為修好故云晉君不任當此患○為于為反下同任音壬

晉

侯享齊侯齊侯視韓厥

杜齊侯鞏之戰識韓厥故熟視之

韓厥曰君知

厥也乎齊侯曰服改矣

杜戎朝異服也言服改明識其人

韓厥登舉爵

曰臣之不敢愛死為兩君之在此堂也

林爵飲酒器韓厥乃登堂舉酒

爵言臣之致死力於行陣之間為發齊晉和好兩君之會聚于此堂也

○荀罃之在楚也

林荀罃即知罃

鄭賈人有將寘諸褚中以出既謀之未行而楚

人歸之賈人如晉荀罃善視之如實出已

林褚絮也鄭之賈人貿易

于楚有將藏荀罃於褚絮之中以出歸晉既與荀罃成謀未及行而楚人歸知罃及鄭賈人來晉荀罃以禮厚待賈人如真實藏已於褚中以出

賈人曰吾無其功敢

有其實乎吾小人不可以厚誣君子

林未嘗有實出知罃之功敢受知罃

厚禮如有其實乎我商賈小人也不遂適齊

杜傳言知罃之賢

左傳杜林合注卷二十一

欽定四庫全書

左傳杜林合注卷二十二 明 王道焜

趙如源 同編

成公二

經

甲戌

四年春宋公使華元來聘

林宋使聘魯

○三月壬申鄭

伯堅卒

杜無傳二年大夫盟于蜀壬申二月二十八日襄公卒悼公費立

○杞伯來朝

○夏四月甲寅臧孫許卒

無傳

○公如晉○葬鄭襄公

無傳

○秋公至自晉○冬城鄆

無傳公欲叛晉故城而為備○鄆音運

○鄭伯

伐許

傳四年春宋華元來聘通嗣君也

杜宋共公即位

○杞伯來朝

歸叔姬故也

杜將出叔姬先備禮朝魯言其故

○夏公如晉侯侯見公

不敬季文子曰晉侯必不免

杜言將不能壽終也後十年陷厠而死

詩曰

敬之敬之天惟顯思命不易哉

杜詩頌言天道顯明受其命甚難不可不敬以

奉之○易以鼓反

夫晉侯之命在諸侯矣可不敬乎

林夫晉侯之受天命

在得諸侯而為伯矣敬諸侯則得天命可不盡敬乎

○秋公至自晉欲求成于楚

而叛晉

林成公以晉侯不見禮故叛晉而求成於楚

季文子曰不可晉雖無

道未可叛也國大臣睦而過於我

杜通近也

諸侯聽焉未可

以貳

杜聽服也

史佚之志有之

杜周文王火

曰非我族類其心必

異楚雖大非吾族也其肯字我乎公乃止

林言凡人之非我宗族儔

類者則必不能與我同心楚雖大國與魯異姓必不肯字愛於我也

○冬十一月鄭公孫

申帥師疆許田

杜前年鄭伐許侵其田今正其界○疆居良反

許人敗諸展陂

鄭伯伐許取鉏任冷敦之田

杜展陂亦許地林鄭悼公怒乃親伐許取許鉏任冷

敦之田○敦彼皮反鉏仕居反仕音壬冷力丁反

○晉欒書將中軍

代御克○將子匠反

荀首佐之士變佐上軍

林荀庚將上軍不行故佐獨出

以救許伐鄭取

汜祭

杜汜祭鄭地成臯縣東有汜水  
○汜音凡或音祀祭則介反

楚子反救鄭鄭伯

與許男訟焉

杜於子反  
前爭曲直

皇戌攝鄭伯之辭

杜代  
之對

子反不

能決也曰君若辱在寡君寡君與其二三臣共聽兩君

之所欲成其可知也

林君若屈辱自至楚國楚君與其  
二三卿士共聽二國之君之所欲

為二國之平其  
可知也成平也

不然側不足以知二國之成

杜側子反  
名為明年

許懇鄭於  
楚張本

○晉趙嬰通于趙莊姬

杜趙嬰趙盾弟莊姬  
趙朔妻朔角之子言

趙嬰通于莊姬是  
叔父下淫其姪婦

經乙

五年春王正月起叔姬來歸

出也傳  
在前年

○仲孫蔑如



宋○夏叔孫僑如會晉荀首于穀

穀齊地

○梁山崩

杜記異也

梁山在馮翊夏陽縣北

○秋大水

無傳

○冬十有一月己酉天王崩

杜定王崩簡王立

○十有二月己丑公會晉侯齊侯宋公衛侯

鄭伯曹伯邾子杞伯同盟于蟲牢

杜蟲牢鄭地陳留郡封丘縣北有桐牢

傳五年春原屏放諸齊

杜放趙嬰也原同屏季嬰之兄林放者宥之以遠也○屏步丁

反嬰曰我在故樂氏不作我亡吾二昆其憂哉

林言我杜晉國

故樂氏不敢作亂以害趙氏我若出亡原屏其有憂患哉言必為樂氏所害

且人各有能有

不能

杜言已雖淫而能今莊姬護趙氏

舍我何害弗聽嬰夢天使謂已

林夢上天使人謂已○舍音捨又音赦聽吐丁反

祭余余福女使問諸士貞伯

貞伯曰不識也既而告其人

林貞伯不欲顯答故對曰不知也既答趙嬰使者而

貞伯自告其從人○女音汝

曰神福仁而禍淫淫而無罰福也

林言鬼神

之道仁愛者降之福淫亂者降之禍所行淫亂而罰不及此即天之所謂福也

祭其得亡乎

杜

得放達為福

祭之之明曰而亡

為八年晉殺趙同趙括傳

孟獻子如宋

報華元也

杜前年宋華元來聘

○夏晉荀首如齊逆女故宣伯餽

諸穀

林荀首晉次卿宣伯即僑如野饋曰餽運糧饋之敬大國也○餽音野

○梁山崩晉

侯以傳召伯宗

杜傳驛○傳中繼反下同

伯宗辟重曰辟重

林伯宗道遇重

載之車使之避已曰辟傳車。辟區亦反徐甫赤反本又作僻曰辟音避重人曰待我不如

捷之速也

杜捷邪出林言車重行遲若待我回避不如傳車邪出之為速。捷在妾反

問其

所

林伯宗見其言有

曰絳人也問絳事焉曰梁山崩將

召伯宗謀之問將若之何曰山有朽壤而崩可若何國

主山川

林言山以土壤朽腐故崩不可如何也主謂所主祭言國所主祭者山川也。絳古卷反壤如

反文故山崩川竭君為之不舉

林去盛饌不舉樂。為于陽反降服捐盛

乘縵

杜車無文。縵武旦反又莫丰反

徹樂

息八音

出次

杜舍於郊祝幣杜陳玉帛

史辭

林大史修言辭以謝過責已

以禮焉

杜禮山川

其如此而已雖伯宗

若之何伯宗請見之

杜見之於晉君  
○見賢通反

不可

杜不肯見

遂以告

而從之

杜從重  
人言

○許靈公愬鄭伯于楚

前兩年鄭  
伐許故

六月

鄭悼公如楚訟不勝楚人執皇戌及子國

杜以鄭伯不  
直故也子國

鄭穆  
公子

故鄭伯歸使公子偃請成于晉

林鄭伯怨楚不直  
已故請成于晉

秋八月鄭伯及晉趙同盟于垂棘

垂棘  
晉地

○宋公子圍龜

為質于楚而歸

杜園龜文公  
子○質晉致

華元享之請鼓譟以出鼓

譟以復入

杜出入執擊鼓  
素報反復扶又反

曰習攻華氏宋公殺之

杜蓋宣十五年宋楚平後華元使  
園龜代已為質故怨而欲攻華氏

○冬同盟于蟲牢鄭

服也諸侯謀復會宋公使向為人辭以子靈之難

杜子靈圖

龜也宋公不欲會以新誅子靈為辭為明年侵宋傳○向舒亮反難乃旦反一本無之難二字

○十一

月已酉定王崩

經在燕牢盟上傳在下月倒錯衆家傳悉無此八字或衍文

經

丙子

六年春王正月公至自會

無傳

○二月辛巳立武宮

魯人自鞏之功至今無患故築武軍又作先君武公宮以告成事故以示後世

○取鄆

杜附庸國也

鄭徐音專又市醬反

○衛孫良夫帥師侵宋○夏六月邾子來朝

無傳

○公孫嬰齊如晉

嬰齊叔矜子

○壬申鄭伯費卒

杜前年同盟燕

宰林悼公卒弟戚公踰立○費音秘

○秋仲孫蔑叔孫僑如帥師侵宋○

楚公子嬰齊帥師伐鄭林楚始書大夫將也自是必圍滅也而後貶人之○冬

季孫行父如晉○晉樂書帥師救鄭

傳六年春鄭伯如晉拜成杜謝前子游相杜子游公子偃○相息亮

反下甯授玉于東楹之東杜禮授玉兩楹之間鄭伯行疾故東過士貞伯

曰鄭伯其死乎自棄也已視流而行速不安其位宜不

能久林視流不端諦也行速不詳緩也兩楹之間諸侯授玉之位也今東過故言不安其位○二

月季文子以牽之功立武宮非禮也宣十二年潘黨勸楚子立武軍楚子

答以武有七德非已所堪其為先君宮告成事而聽於已今魯倚晉之功又非霸主而立武宮故譏之

人以救其難不可以立武立武由已非由人也

言請人救難勝

非已功○

○取郭言易也

林不用師徒言易取也○易以鼓反

○三月晉

伯宗夏陽說衛孫良夫甯相鄭人伊維之戎陸渾蠻氏

侵宋

杜夏陽說晉大夫蠻氏戎別種也河南新城縣東南有蠻城經惟書衛孫良夫獨衛告也○夏戶雅

反說音悅

以其辭會也

辭會在

師于鍼衛人不保

杜不守備

○鍼其廉反一音針

說欲襲衛曰雖不可入多俘而歸有罪不及

死

林言雖不可入衛之國多執俘獲而歸縱使有罪不至當死

伯宗曰不可衛唯信

晉故師在其郊而不設備若襲之是棄信也雖多衛俘

而晉無信何以求諸侯乃止師還衛人登陴

林城之有陴所以備

戰鬪也衛人登陴聞夏陽說之謀故○陴毗支反

○晉人謀去故絳

杜著復命新田為絳

故謂此故絳

諸大夫皆曰必居郇瑕氏之地

杜郇瑕古國名河東解縣西北

有郇城○

沃饒而近鹽

杜鹽鹽也猗氏縣鹽池是林言其地沃行其俗富饒且近鹽鹽

郇音旬

之地○

國利君樂不可失也

林民富則國享其利國利則君享其樂○樂音洛下

謂樂

韓獻子將新中軍且為僕大夫

林韓獻子即韓厥三年晉作六軍韓

獻子將新中軍兼大僕之職○將子匠反

公揖而入獻子從公立於寢庭

言

獻子欲進計乃從公而入立於路寢之庭

謂獻子曰何如

杜問諸大夫言是非

對曰不



可郇瑕氏土薄水淺

杜土薄地

其惡易覲

杜惡疾易以致反

親古易覲則民愁民愁則墊隘

杜墊隘羸困也林惡疾易成則民人愁歎民人

愁歎則必至羸困於是乎有沈溺重脰之疾

杜沈溺濕疾重

脰足腫○溺乃歷反脰治偽反一音直嬈反

不如新田

杜今平陽絳邑縣

土厚水深

居之不疾

以高深故

有汾澮以流其惡

杜汾水出太原經絳北而南入河澮水出

平陽絳縣南西入汾惡垢且民從教

杜無災患林其民醇厚從上之教今

十世之利也

林國君即位為一世此言十世之利取其數之小成也

夫山澤林監

國之寶也

林高阜為山止水為澤草木為林監者乃利源所出故為有國之寶國饒

則民驕佚

杜財易致則民驕佚音逸

近寶公室乃貧不可謂樂

杜近

寶則民皆逐末而不務本貧富不等富者不可增稅貧者易致流亡此公室所以貧困也

公說從

之夏四月丁丑晉遷于新田

為季孫如晉傳○說音悅

○六月鄭悼

公卒

終士貞伯之言

○子叔聲伯如晉命伐宋

杜晉人命聲伯林聲伯即嬰齊

秋孟獻子叔孫宣伯侵宋晉命也○楚子重伐鄭鄭從

晉故也

杜前年從晉盟

○冬季文子如晉賀遷也

林賀晉遷都新田

○

晉欒書救鄭與楚師遇於繞角

繞角鄭地

楚師還晉師遂侵

蔡楚公子申公子成以申息之師救蔡

杜申息楚二縣

欒諸桑

隧

杜汝南朗陵縣東有桑里在上蔡西南○隧音遂

趙同趙括欲戰請於武子

武子將許之

杜武子樂書

知莊子

荀首中軍佐

范文子

士燮上軍佐

韓

獻子

韓厥新中軍將

諫曰不可吾來救鄭楚師去我吾遂至於

此是遷戮也

林本意為來救鄭楚子重遷師不與我校吾遂事侵蔡以至於此是因救鄭而遷怒

以戮蔡

戮而不已又怒楚師戰必不克

遷戮不義怒敵難當故不克

雖

克不令

言雖勝楚師而不

成師以出而敗楚之二縣何

榮之有焉

杜六軍悉出故曰成師以大勝小不足為榮

若不能敗為辱已甚

不如還也乃遂還於是軍帥之欲戰者眾或謂樂武子

曰聖人與衆同欲是以濟事子盍從衆

杜盍何不也。師所類反盍戶

臘反子為大政

杜中軍元帥

將酌於民者也

杜酌取民心以為政

子之佐

十一人

杜六軍之卿佐

其不欲戰者三人而已

杜知范韓也

欲戰者

可謂衆矣商書曰三人占從二人衆故也

杜商書洪範林言今若使

三人同占吉凶若二人言吉一人言凶則當從二人所言

武子曰善鈞從衆

杜鈞等也林言

所見皆善鈞等如一則以其衆而從之

夫善衆之主也三卿為主可謂衆

矣

林人心所同然者善故曰衆之主也杜三卿皆晉之賢人

從之不亦可乎

傳善樂書得從衆之義

經

丁丑

七年春王正月飢鼠食郊牛角改卜牛飢鼠又食

其角乃免牛

無傳稱牛未十日免放也免牛可也不郊非禮也。鷗音兮。

○吳伐郊

林吳始見經吳始入伐中國。○郊音談。

○夏五月曹伯來朝。○不郊猶三

望

無傳書不郊猶有事三望非禮。

○秋楚公子嬰齊帥師伐鄭。○公會

晉侯齊侯宋公衛侯曹伯莒子邾子杞伯救鄭。○八月

戊辰同盟于馬陵

杜馬陵衛地陽平元城縣東南有地名馬陵林史記馬陵道隘而旁多阻

臨可公至自會

無傳

○吳入州來

杜州來楚邑淮南下蔡縣是也林吳楚之交兵

不書至是始書之傳曰是以始大通吳於上國晉人為之也。

○冬大雩

無傳書過

○衛孫

林父出奔晉

傳七年春吳伐郢郢成季文子曰中國不振旅蠻夷入

伐而莫之或恤

杜伐整也旅衆也林傳例出曰治兵入曰振旅此言中國不振旅者蓋以晉景

有郢之敗中國不能振整帥旅而歸

無弔者也夫

言中國不能相慰恤故夷狄內侵○夫音扶

詩曰不弔昊天亂靡有定其此之謂乎

詩小雅刺在上者不能弔慈下

民故號天告亂林言昊天不慈弔下民禍亂靡有定時○吳戶老反

有上不弔其誰不受

亂

杜上謂霸主林言有伯主而不慈弔小國其誰不被受蠻夷之禍亂

吾亡無日矣君子

曰知懼如是斯不亡矣

林謂季文子因吳伐郢而知恐懼修省之道斯不至於滅亡矣

○鄭子良相成公以如晉見且拜師

謝前年晉救鄭之師為楚伐鄭張本

○想息亮反見賢通反

○夏曹宣公來朝。○秋楚子重伐鄭師于

汜

汜鄭地在襄城縣南。汜音凡。

諸侯救鄭鄭共仲侯羽軍楚師

杜二子鄭

大夫也。軍楚師攻楚師也。○共音恭。

囚鄆公鍾儀

林鍾儀是鄆縣大夫。○鄆音云。

獻諸晉

八月同盟于馬陵尋蟲牢之盟且莒服故也

杜蟲牢盟在五年莒

本屬齊齊服故莒從之

晉人以鍾儀歸囚諸軍府

軍藏府也。為九年晉侯見鍾儀

○楚圍宋之役

在宣十四年

師還子重請取於申呂以為

賞田王許之

林申呂楚二邑杜分申呂之田以自賞

申公巫臣曰不可此

申呂所以邑也是以為賦以御北方若取之是無申呂

也

杜言申呂賴此田成邑耳不得此田則無以出兵賦而二邑壞也。所以邑也一本作所邑也御魚呂反

晉鄭必至于漢王乃止子重是以怨巫臣子反欲取夏

姬巫臣止之遂取以行

林事俱載在元年傳巫臣與夏姬淫奔並在二年

子反

亦怨之及共王即位

杜楚共王以魯成公元年即位。共音恭

子重子反殺

巫臣之族子閻子蕩及清尹弗忌

杜皆巫臣子族。閻音鹽

及襄公

之子黑要

杜以夏姬故并怨黑要。要一遙反

而分其室子重取子閻之

室使沈尹與王子罷分子蕩之室子反取黑要與清尹

之室巫臣自晉遺二子書

杜子重子反。罷音皮下同遺唯季反

曰爾以



讒慝貪昧事君而多殺不辜

林讒慝指其譖善貪昧指其分室也。慝他得反昧

力舍反

余必使爾罷於奔命以死。巫臣請使於吳。晉侯許

之。吳子壽夢說之，乃通吳于晉。

杜壽夢季札父。林先是吳人自安僻陋未嘗與

中國相通至是巫臣因楚乃通吳于晉。○使所失反夢莫公反說音悅

以兩之一卒適吳

舍偏兩之一馬。

杜司馬法百人為卒二十五人為兩車九乘為小偏十五乘為大偏蓋留九乘

車及一兩二十五人今吳習之。○卒子忽反舍音敵舊音捨

與其射御教吳乘車教

之戰。陳教之叛楚。

林先是吳未嘗射御故巫臣與其射御未嘗乘車故巫臣教吳乘車未識

戰陳之法故巫臣教之戰陳吳嘗屬楚故巫臣教之叛楚。○陳直觀反

寘其子狐庸。馬使

為行人於吳吳始伐楚伐巢伐徐

杜巢徐楚屬國  
○巢之致反

子重

奔命

杜救徐巢

馬陵之會吳入州來子重自鄭奔命

杜因伐鄭而行

子重子反於是乎一歲七奔命

杜吳人一歲之間七為楚害故子重子反凡七

奔命

蠻夷屬於楚者吳盡取之是以始大通吳於上國

杜上

國諸

○衛定公惡孫林父冬孫林父出奔晉

林父孫良夫之子○

夏

惡鳥衛侯如晉晉反戚馬

杜戚林父邑林父出奔戚隨屬晉林晉因衛來朝而反其

戚邑○戚

七狄反

經戊寅

八年春晉侯使韓穿來言汶陽之田歸之于齊

齊服

事晉故晉來語魯  
使還二年所取田

○晉樂書帥師侵蔡○公孫嬰齊如

莒○宋公使華元來聘○夏宋公使公孫壽來納幣

杜

聘不使卿今華元將命故特書之宋公無主  
昏者自命之故稱使也公孫壽蕩意諸之父

○晉殺其

大夫趙同趙括

傳曰原屏咎之徒也明本不以德義  
自居宜其見討故從告辭而稱名

○

秋七月天子使召伯來賜公命

杜諸侯即位天子賜以  
命圭與之合瑞八年乃

來緩也

天子天王王者  
之通稱林賜命止此

○冬十月癸卯杞叔姬卒

前五  
年來

歸者女既適人雖見出桑猶以成人  
禮書之終為杞伯所葬故稱杞叔姬

○晉侯使士燮來

聘○叔孫僑如會晉士燮齊人邾人伐邾

先謀而稱會  
盟主之命不

同之於列國

○衛人來媵

古者諸侯取適夫人及左右媵各有姓娣皆同姓之國國三入凡九

女所以廣繼嗣也魯將嫁伯姬於宋故衛來媵之○媵以證反

傳八年春晉侯使韓穿來言汶陽之田歸之于齊季文

子餞之

杜餞送行飲酒○餞錢淺反送去食也字林子扇反毛詩箋云祖而舍輶飲酒於其側曰餞

私焉

杜私與之言

曰大國制義以為盟主是以諸侯懷德畏

討無有貳心

林言大國制合宜之義以為諸侯之盟主是以諸侯懷盟主之恩德而畏盟主之討

伐不敢有攜貳之心

謂汶陽之田敝邑之舊也而用師於齊使歸

諸敝邑

杜用師宰之貳

今有二命曰歸諸齊信以行義義以成

命

林人之守信所以行其合宜之義人之守義所以成其惟行不惟反之命令

小國所望而

懷也信不可知義無所立

林言守一之信則或予或奪而信不可知言合宜之義則

李魯予齊而義無所立

四方諸侯其誰不解體

杜言不復肅敬於晉

詩曰女

也不爽士貳其行士也罔極二三其德

杜爽差也極中也詩衛風婦人

怨大夫不一其行喻魯事晉猶女之事夫不敢過差而晉有罔極之心反二三其德○行下孟反

七年

之中一與一奪二三孰甚焉士之二三猶喪妃耦而況

霸主

林大夫一身也若二三其德女有怨心猶喪失其妃耦何況晉國實為諸侯之霸主○喪息浪反妃

音配

霸主將德是以

杜以用也林為霸主者將德是用

而二三之其何以

長有諸侯乎詩曰猶之未遠是用大簡

杜猶圖也簡諫也詩大雅言王

者圖事不遠故用大道諫之○長如字一音丁久反

行父懼晉之不遠猶而失諸

侯也是以敢私言之○晉樂書侵蔡

六年未得志故

遂侵楚獲

申驪

杜申驪楚大夫林生死皆曰獲○驪方馳反

楚師之還也

杜謂六年遇於繞角時

晉侵沈獲沈子揖初從知范韓也

杜繞角之後樂書從知莊子范文子韓獻

子之言不與楚戰自是常從其謀師出有功故傳善之沈國今汝南平輿縣○揖徐音集又於立反

君子

曰從善如流宜哉

林言樂書從知范韓之善如流水之赴壑杜宜有功也如流愈速

詩

曰豈弟君子遐不作人

杜遐遠也作用也詩大雅言文王能遠用善人不語助○愷開

在反樂也悌徒禮反易也求善也夫作人斯有功績矣是行也鄭伯

將會晉師

杜會伐蔡之師○夫音扶

門于許東門大獲焉

杜過許見其無備因

攻之

○聲伯如莒逆也

自為逆婦而書者因聘而逆婦

○宋華元來聘聘

共姬也

杜穆姜之女成公姊妹為宋共公夫人聘不應使卿故傳登其事而已○共音恭

○夏

宋公使公孫壽來納幣禮也

納幣應使卿

○晉趙莊姬為趙

嬰之亡故譖之于晉侯

杜趙嬰亡在五年

曰原屏將為亂欒卻

為徵

杜欒氏卻氏亦徵其為亂

六月晉討趙同趙括武從姬氏畜于

公宮

杜趙武莊姬之子莊姬晉成公女畜養也

以其田與祁奚韓厥言於晉

侯曰成季之勲宣孟之忠

林成季即趙衰有從晉文公出亡之勲宣孟即趙盾有相

晉擁立靈成之忠○和互之反字林上尸反

而無後為善者其懼矣三代之

令王皆數百年保天之祿夫豈無辟王賴前哲以免也

杜言三代亦有邪辟之君但賴其先人以免禍耳○數所主反辟匹亦反哲陟列反周書曰不敢

侮鰥寡所以明德也

杜周書康誥言文王不侮鰥寡而德益明欲使晉侯之法文王○無妻

曰鰥無夫曰寡厥厥晉景恤趙孤以法文王○侮亡甫反鰥古頑反

乃立武而反其田

焉

林以賜祁奚之田復歸趙氏

○狄召桓公來賜公命

杜召桓公周卿士林即召

伯

○晉侯使申公巫臣如吳假道于莒與渠丘公立於



池上

杜渠丘公莒子朱也池城池也渠丘邑名莒縣有蓮里

曰城已惡莒子曰辟

陋在夷其孰以我為虞

杜虞度也林言莒國僻陋介在蠻夷其孰虞度思併我國○已

惡如字已猶大也本或作城已惡矣

對曰夫狡焉

杜狡猶之人狡交外反

思啟封疆

以利社稷者何國蔑有唯然故多大國矣

林唯其如此所以強凌弱

衆暴寡大國日衆○疆居良反唯音維本或作雖後人改也

唯或思或縱也

杜世有思開封

疆者有縱其暴掠者莒人當唯此為命

勇夫重閉況國乎

林匹夫之勇而且重關以待暴

客況有國有家而不設備乎杜為明年莒潰傳○重直龍反又直勇反開補計反又蒲結反一音戶旦反○

冬杞叔姬卒來歸自杞故書

隱其見出來歸故書卒也若更適大夫則不復書卒

○晉士燮來聘言伐邲也以其事吳故七年邲與吳成公賂之

請緩師文子不可

杜文子士燮

曰君命無貳失信不立禮無

加貨事無二成

林言受君命者不敢有攜貳之心失信於君則無以自立朝聘有贈賄之禮無

以加貨況受賂乎公私之事不能兩成

君後諸侯是寡君不得事君也

杜

與魯絕○後如字徐音胡豆反

燮將復之

林燮將以魯請緩師復於晉君

季孫懼使宣

伯帥師會伐邲○衛人來媵共姬禮也

林同姓相媵故為有禮凡

諸侯嫁女同姓媵之異姓則否

必以同姓者來骨肉至親所以息陰訟

經郊巳九年春王正月杞伯來逆叔姬之喪以歸○公會

晉侯齊侯宋公衛侯鄭伯曹伯莒子杞伯同盟于蒲

杜蒲

衛地在長垣縣西南

○公至自會

無待

○二月伯姬歸于宋

宋不使卿逆非

禮

○夏季孫行父如宋致女

女嫁三月又使大夫隨加聘問謂之致女所以致成

婦禮篤昏姻之好

○晉人來媵

媵伯姬也

○秋七月丙子齊侯無野

卒

杜無傳五同盟丙子六月一日書七月從赴林頃公卒子靈公環立

○晉人執鄭伯

杜鄭

伯既受盟于蒲又受楚賂會於鄭故晉執之稱人者晉以無道於民告諸侯例在十五年

○晉欒書

帥師伐鄭○冬十有一月葬齊頃公

無傳頃音傾

○楚公子

嬰齊帥師伐莒庚申莒潰

杜民逃其上曰潰

○楚人入鄆

杜鄆莒別

邑也楚徇師入郢故稱人林伐稱  
名入稱人書法與會蜀盟蜀同

○秦人白狄伐晉○

鄭人圍許○城中城

杜魯邑也在東海廩丘縣西南此  
閏月城在十一月之後十二月之

前故傳

曰書時

傳九年春杞桓公來逆叔姬之喪請之也

杜叔姬已絕於  
杞魯後強請杞

使還  
取葬

杞叔姬卒為杞故也

還為杞婦故卒稱杞○為  
子偽反下為歸汶陽同

逆

叔姬為我也

杜既棄而復逆其喪明為魯故○  
逆叔姬絕句為我也本或無為同

為歸

汶陽之田故諸侯貳於晉

杜歸田在前年林諸侯  
不義於晉皆有貳心

晉人

懼會於蒲以尋馬陵之盟

馬陵在  
七年

季文子謂范文子曰

德則不競尋盟何為

杜競強也林言晉不自強於修德徒尋盟誓何所能為

范文

子曰勤以撫之寬以待之堅彊以御之明神以要之柔

服而伐貳德之次也

林勤力以撫諸侯寬恕以待諸侯堅恕強毅以駕御諸侯質信明神

以要結諸侯懷柔諸侯之服從者討伐諸侯之攜貳者此數者雖不可比於修德抑亦德之次也。御魚呂反

要一

是行也將始會吳吳人不至

為十五年會鍾離傳

○二月伯姬

歸于宋

為致女復命起

○楚人以重賂求鄭鄭伯會楚公子

成于鄧

為晉人執鄭伯傳

○夏季文子如宋致女復命公享之

賦韓奕之五章

杜韓奕詩大雅篇名其五章言厥父嫁女於韓侯為女相所居莫如韓樂文子

喻魯侯有蹶父之德宋穆姜出于房再拜曰大夫勤辱

公如韓侯宋土如韓樂不忘先君以及嗣君施及未亡人

杜穆姜伯姬母聞文子言宋樂喜而出謝

其勞婦人夫死自稱未亡人○施以鼓反先君猶有望也

言先君亦望文子之若此敢拜

大夫之重勤又賦綠衣之卒章而入

杜綠衣詩邶風也取其我思古

人實獲我心喻文子言得已

○晉人來滕禮也

杜同姓故○

秋鄭伯如晉晉人討其貳於楚也執諸銅鞮

銅鞮晉別縣在上黨

○鞮丁

藥書伐鄭鄭人使伯蠲行成

林伯蠲鄭行人行成求成于晉也○

蠲古玄反

晉人殺之非禮也兵交使在其間可也

林非待行

人之禮二國以兵相交使者在於兩師  
之間可也林明殺行人例。使所吏反楚子重侵陳以

救鄭

杜陳與晉故

○晉侯觀于軍府見鍾儀問之曰南冠而

縶者誰也

杜南冠楚冠縶拘執。縶中立反

有司對曰鄭人所獻楚囚

也使稅之

杜鄭獻鍾儀在七年稅解也。稅吐活反徐始銳反

召而弔之

林召鍾儀而弔

其被囚

再拜稽首問其族對曰泠人也

杜泠人樂官。泠力丁反依字作伶

公曰能樂乎對曰先父之職官也敢有二事

杜言不敢學他事

使與之琴操南音

杜南音楚聲。操七刀反下同

公曰君王何如對曰

非小人之所得知也固問之對曰其為大子也師保奉

之以朝于嬰齊而夕于側也

杜嬰齊令尹子重側司馬子反言其尊卿敬老不

知其他公語范文子文子曰楚囚君子也言稱先職不

背本也繁操王風不忘舊也

林言稱先父之職官是不違背其父祖之本業琴作

南風之操是不遺忘其風土之語魚據反背音佩下同稱天子抑無私也

杜舍其近

事而遠稱少小以示性所自然明至誠

名其二卿尊君也

杜尊晉君也

不背本

仁也不忘舊信也無私忠也尊君敏也

林不背本業是為愛親之仁不

忘舊俗是為安上之信無所私黨是為盡已之忠尊君卑臣是為臨事之敏。敏達也

仁以接事

信以守之忠以成之敏以行之事雖大必濟

林愛有差等故應接



事物當以仁為主信不可易故以信而守之忠無所偏  
故以忠而成之數無不達故以數而行之杜言有此四  
德必能成大事君盍歸之使合晉楚之成公從之重為之禮使

歸求成

杜為下十二月晉楚結成張本○盍戶臘反

○冬十一月楚子重自

陳伐莒圍渠丘渠丘城惡衆潰奔莒戊申楚入渠丘

杜月

六日○渠丘莒邑

莒人囚楚公子平楚人曰勿殺吾歸而俘

林而

汝也莒人殺之楚帥圍莒莒城亦惡庚申莒潰

杜月十八日楚

遂入鄆莒無備故也

杜終巫臣之言

君子曰恃陋而不備罪之

大者也

林自取滅亡故為罪之大

備豫不虞善之大者也

林居安慮危故為善

大莒時其陋而不脩城郭浹辰之間而楚克其三都無

備也夫

林決周匝也辰日辰也浹謂自子至亥周匝十二日也○決子協反徐音子答反夫音扶

詩曰雖有絲麻無棄菅蒯雖有姬姜無棄蕉萃凡百君

子莫不代匱言備之不可以已也

杜逸詩也林絲可為帛麻可為布菅蒯皆

草之可為雜用者言雖有精細之物粗物亦不可棄姬姜大國之女蕉萃賤陋之人言雖有夫國之女賤陋之人亦

不可棄凡百君子在位之人亦有匱乏之時須得入承代○菅古顏反蒯苦怪反蕉伐還反萃在醉反匱其位

○秦人白狄伐晉諸侯貳故也

林諸侯攜貳於晉故秦狄乘而伐之○

鄭人圍許示晉不急君也

林此狄晉執鄭伯鄭不肯求服於晉而出師以圍許

蓋示晉以不以是則公孫申謀之曰我出師以圍許杜執君為急也

不畏為將改立君者而紆晉使杜紆緩也勿亟遣使請晉示欲更立君○為將

並如字或作偽將紆晉舒使所吏反晉必歸君杜晉恐鄭別立君而執一人無益必歸鄭伯為明年

晉侯歸鄭伯張本○城中城書時也○十二月楚子使公子辰

如晉報鍾儀之使請修好結成杜鍾儀奉晉命歸故楚報之○好呼報反

經庚辰十年春衛侯之弟黑背帥師侵鄭○夏四月五卜

郊不從乃不郊杜無傳卜常祀不郊皆非禮故書○五月公會晉侯齊

侯宋公衛侯曹伯伐鄭杜晉侯大子州蒲也稱爵見其生代父居位失人子之禮○

齊人來媵

無傳媵伯姬也異姓來媵非禮也

○丙午晉侯孺卒

杜六同盟據傳

丙午六月七日有日無月林景公卒大子州蒲五月先立以伐鄭○孺八侯反 ○秋七月公如

晉○冬十月

傳十年春晉侯使糴莠如楚

糴莠晉大夫○糴徐徒弔反一音杜敖反又士弔反

莠扶廢反一音蒲發反又蒲艾反

報大宰子商之使也

杜子商楚公子辰使在前年○

大音泰使所吏反

○衛子叔黑背侵鄭晉命也

晉命衛使侵鄭

○鄭公

子班聞叔申之謀

杜改立君之謀林叔申即公孫申也

三月子如立公子

孺

杜子如公子班○孺音頑

夏四月鄭人殺孺立髡頑子如奔許

髡頑

鄭成公天子。髡苦門。  
反頑如字徐五班反

藥武子曰鄭人立君我執一人

焉何益不如伐鄭而歸其君以求成焉晉侯有疾五月

晉立太子州蒲以為君而會諸侯伐鄭

杜生立子為君此父不父子不子經

因書晉侯其惡明

鄭子罕賂以襄鐘

杜子罕穆公子襄鐘鄭襄公之廟鐘

子然

盟于脩澤子駟為質

杜子然子駟皆穆公子榮陽卷縣東有修武亭○質音致

辛巳

鄭伯歸

杜鄭伯歸不書鄭不告人

○晉侯夢大厲被髮及地搏膺而

踊曰殺余孫不義

杜厲鬼也趙氏之先祖也八年晉侯殺趙同趙括故怒林膺胷也以手搏

胷而踊躍○被皮寄反搏音溥踊音勇

余得請於帝矣壞大門及寢門而

入公懼入于室又壞戶公覺召桑田巫

杜桑田晉邑。壞音怪下同及

寢門一本無及字覺古孝反

巫言如夢

杜巫云鬼志如公所夢

公曰何如曰不

食新矣

杜言公不得及食新麥

公疾病求醫于秦秦伯使醫緩為

之

杜緩醫名為猶治也

未至公夢疾為二豎子

林景公夢疾病化為二豎子曰

彼良醫也懼傷我焉逃之

林恐秦緩治病或能傷害我安所逃避之。懼傷我絕句

焉徐於虔反一讀如字屬上句逃之絕句

其一曰居肅之上膏之下若我何

杜肅而也心下為膏。肅音荒說文云心下局上也。肅音革

醫至曰疾不可為也在

肅之上膏之下攻之不可達之不及藥不至焉不可為

也

林攻對灸也言不可以火攻達針也言不可以針達至於用藥又不至焉言疾不可治也公曰良

醫也厚為之禮而歸之六月丙午晉侯欲麥

周六月今四月麥始

熟

使甸人獻麥

甸人主為公田者。甸徒練反

饋人為之召桑田巫示

而殺之

林饋麥之人為景公召桑田之巫以其言不食新故示以新麥而殺之。饋其位反為如字

將食張如廁陷而卒

杜張腹滿也林陷于廁中而死竟不及食新麥。張中亮反

小

臣有晨夢負公以登天及日中負晉侯出諸廁遂以為

殉

傳言巫以明術見殺小臣以言夢自禍

○鄭伯討立君者戊申殺叔申

叔禽

叔禽叔申弟

君子曰忠為令德非其人猶不可況不令

乎

林言盡忠於君實為美德若用非其人猶不以為可而見殺何況不美之事乎言叔申為忠不得其人還

害

○秋公如晉

親吊非禮

晉人止公使送葬於是糴莩未反

是春晉使糴莩至楚結成晉謂魯貳於楚故留公須糴莩還驗其虛實

冬葬晉景公公送

葬諸侯莫在魯人辱之

林魯人以為恥辱

故不書諱之也

杜諱不書

晉楚也

左傳杜林合注卷二十二



欽定四庫全書

左傳杜林合注卷二十三 明 王道焜

趙如源 同編

成公三

經

辛巳

十有一年春王三月公至自晉

正月公在晉不書諱見止

○晉

侯使卻犇來聘已丑及卻犇盟

杜卻犇卻克從父兄弟○犇尺由反

○夏

季孫行父如晉○秋叔孫僑如如齊

僑其驕反

○冬十月

傳十一年春王三月公至自晉晉人以公為貳於楚故

止公公請受盟而後使歸

前年七月公如晉弔至是乃得歸

卻犇來聘

且涖盟

公請受盟故使大夫來臨之○涖音利又音類

○聲伯之母不聘

聲伯之母

叔肸之妻不聘無媒禮○聘本亦作娉四政反

穆姜曰吾不以妾為奴

杜昆弟之妻相

謂為奴穆姜宣公夫人宣公叔肸同母昆弟林穆姜言不以聲伯之母為奴○奴音似

生聲伯而

出之嫁於齊管于奚生二子而寡以歸聲伯

林以其所生之子一

男一女歸於聲伯

聲伯以其外弟為大夫

杜外弟管于奚之子為魯大夫

而嫁

其外妹於施孝叔

林孝叔魯惠公五世孫

卻犇來聘求婦於聲伯

聲伯奪施氏婦以與之

林卻犇為其子求婦於聲伯聲伯畏卻犇無以應命乃奪其外

妹已嫁于施孝婦人曰烏獸猶不失儷杜儷耦也林聲叔者以與卻氏

言雖鳥獸之微亦能自庇其配耦者○儷力計反子將若何曰吾不能死亡林

不與卻犇婦懼其怒致我死亡之禍婦人遂行生二子於卻氏卻氏亡

氏亡在十七年傳言卻犇淫縱所以亡也自此以下皆傳終言施氏婦事非在今年事晉人歸之

施氏施氏逆諸河沈其二子杜沈之於河○沈徐直蔭反一音如字婦人

怒曰已不能庇其伉儷而亡之杜伉敵也○已音以又音紀庇必利反又音祕

伉苦浪反又不能字人之孤而殺之字愛將何以終遂誓施

氏杜約誓不復○夏季文子如晉報聘且涖盟也卻犇文子

交盟魯晉之君其意一也  
故但書來盟舉重略輕

○周公楚惡惠襄之逼也

杜

王襄王之族  
○惡烏路反

且與伯與爭政

杜伯與周卿士  
與音餘本亦作與

不勝怒

而出及陽樊

陽樊  
晉地

王使劉子復之盟于鄆而入三日復

出奔晉

杜王既復之而復出所以自絕於周為  
明年周公出奔傳鄆周邑○鄆音絹

○秋宣

伯聘于齊以修前好

杜鞏以前之好  
○好呼報反

○晉卻至與周爭

鄆田

杜鄆溫別邑今河內懷縣西南  
有鄆人亭○鄆音侯字林音侯

王命劉康公單襄

公訟諸晉卻至曰溫吾故也故不敢失

杜言溫卻氏舊  
邑○單音善

劉子單子曰昔周克商使諸侯撫封

杜各撫有其  
封內之地

蘇忿

生以溫為司寇與檀伯達封于河

杜蘇愆生周武王司寇蘇公也與檀伯達

俱封於河內檀徒丹反

蘇氏即狄又不能於狄而奔衛

事在僖十年襄

王勞文公而賜之溫

杜在僖二十五年勞力報反

狐氏陽氏先處之

杜狐秦陽處父先食溫地

而後及子若治其故則王官之邑也子安

得之

林若欲治其故舊所有則溫舊為王官之邑卻至安得指溫以為故物

晉侯使卻至

勿敢爭

傳言卻至俞所以亡

○宋華元善於令尹子重又善於欒

武子聞楚人既許晉糴蒺成而使歸復命矣

杜在往年華戶化反

冬華元如楚遂如晉合晉楚之成

為明年盟宋西門外張本

○秦晉

為成

林秦晉交兵不和至是為成

將會于令狐晉侯先至焉秦伯

不肯涉河

林秦桓公見晉侯先至遂懷疑不肯涉河○今力丁反

次于王城使史

黶盟晉侯于河東

杜史黶秦大夫○黶苦果反

晉卻犇盟秦伯于河

西

杜就盟王城

范文子曰是盟也何益齊盟所以質信也

杜齊

一心質成也

會所信之始也始之不從其可質乎

林所地也言約會之

所乃二國質信之始始約會所而不能從其何以成信乎

秦伯歸而背晉成

為十三年戌秦

傳背音佩

經

士

十有二年春周公出奔晉○夏公會晉侯衛侯于

瑣澤

杜瑣澤地闕林此晉楚為成也於是晉士變會楚公子罷許偃盟于宋西門之外不書存中國也。

瑣素果反依字宜作瑣

○秋晉人敗狄于交剛

交剛地闕

○冬十月

傳十二年春王使以周公之難來告書曰周公出奔晉

林周公奔晉前年經書在凡自周無出周公自出故也

杜天子無外故奔者不言出周公為王所復而自絕於周故書出以非之。○宋華元克合晉

楚之成

杜終前年事

夏五月晉士變會楚公子罷許偃

二子楚大

夫。罷音皮

癸亥盟于宋西門之外曰凡晉楚無相加戎好

惡同之

林自曰字以下十六句皆為盟載書之辭戎兵也。好惡並如字又上呼報反下烏路反同

恤苗危備救凶患若有害楚則晉伐之在晉楚亦如之

交贄往來道路無壅

林若二國有災害危難則同心拯恤之有凶荒患害則備力以救援

之諸侯謀害楚國則晉興兵為楚伐之此晉與楚同惡諸侯謀害晉國楚亦如約為晉伐之此楚與晉同惡二國交執贄幣以通往來道路之間無得壅塞此晉楚二國同好○苗音災贄之反壅於勇反謀其不

協而討不庭

杜討背叛不來在王庭者有渝此盟明神殛之

杜殛誅也○渝

羊朱反殛本又作極紀力反

俾隊其師無克胙國

林胙報也使隊失其師衆無能享國

家之報○俾本又作卑必爾反隊直類反胙才故反

鄭伯如晉聽成

杜聽猶受也晉楚既成鄭

命往受

會于瑱澤成故也

杜晉既與楚成合諸侯以申成好

○狄人間宋



之盟以侵晉而不失備秋晉人敗狄于交剛

林來狄之無備

也。間。間。厠之間。

○晉卻至如楚聘

林晉楚既成好故晉使卻至如楚修聘

且涖盟

楚子享之子反相為地室而縣焉

林為樂室於地之下而懸鐘鼓。相息亮

反縣音玄

卻至將登

杜登堂

金奏作於下

杜擊鐘而奏樂

驚而走山子

反曰日云莫矣

音暮莫

寡君須矣吾子其入也賓曰

林即卻至

君不忘先君之好施及下臣貺之以大禮重之以備樂

杜貺賜也林賜之以享燕之大禮重之以軒縣之備樂。施以鼓反重直用反

如天之福兩君

相見何以代此下臣不敢

林若蒙上天之福使晉楚二國之君以和好相見何以代

此為兩君子反曰如天之福兩君相見無亦唯是一矢

以相加遺焉用樂

杜言兩君戰乃相見無用此樂。遺唯季反焉於虔反。

寡君須

矣吾子其入也賓曰

傳諸交讓得賓主辭者多曰賓主以明之。

若讓之以一

矢禍之大者其何福之為

林言若二國有相責讓之言而以一矢相加遺此禍患之

大者豈得以為上天之福。世之治也諸侯間於天子之事則相朝也

杜王事間缺則修私好。治直吏反間音閑。

於是乎有享宴之禮享以訓共

儉

杜享有體薦設几而不倚爵盈而不飲肴乾而不食所以訓共儉。享許大反又許亮反本亦作享宴於

見反徐於顯反。

宴以示慈惠

杜宴則折俎相與共食。

共儉以行禮而慈惠

以布政政以禮成民是以息

林名安其分而得其安息

百官承事朝

而不夕

杜國家安靜無事故朝治其事而不夕見。朝直遙反徐音朝旦之朝

此公侯之

所以扞城其民也

杜扞蔽也言享宴結好鄰國所以蔽扞其民。扞戶旦反

故詩曰

赳赳武夫公侯干城

詩周南之風赳赳武貌干扞也言公侯之與武夫止于扞難而已。

赳居黝反一音居醜反于戶旦反又如字

及其亂也諸侯貪冒侵欲不忌爭

尋常以盡其民

林好財曰貪盡利曰冒侵奪嗜欲無所顧忌杜八尺曰尋倍尋曰常言爭尺大

之地以相攻伐。冒莫報反又亡牝反

畧其武夫以為已腹心股肱爪牙

杜畧取也言世亂則公侯制禦武夫以從已志使侵害鄰國為搏噬之用無已

故詩曰赳赳武

夫公侯腹心

舉詩之正以駭亂義詩言治世則武夫能合德公侯外為扞城內制其腹心

天

下有道則公侯能為民干城而制其腹心

林上文乃舉治世之事以

證亂世之事故重言天下有道則公侯能為其民人扞藏城郭以禦外患而自制其腹心之欲非以繼腹心之

欲○為子偽反又如字

亂則反之

杜略其武夫以為已腹心爪牙

今吾子之言亂

之道也不可以為法然吾子主也至敢不從遂入卒事

歸以語范文子文子曰無禮必食言吾死無日矣夫

杜言

晉楚不能久和必復相伐為十六年鄢陵戰張本○語魚據反夫音扶本亦無此字

冬楚公子罷

如晉聘且涖盟

報卻至

十二月晉侯及楚公子罷盟于赤

棘

杜晉地

經

癸未

十有三年春晉侯使卻錡來乞師

將伐秦也侯伯當召兵而乞師

諱辭。錡魚綺反。

○三月公如京師

伐秦道過京師因朝王

○夏五月公

自京師遂會晉侯齊侯宋公衛侯鄭伯曹伯邾人滕人

伐秦。○曹伯廬卒于師

杜五同盟林宣公卒成公負芻立。○廬力吳反。

○秋七

月公至自伐秦

無傳

○冬葬曹宣公

傳十三年春晉侯使卻錡來乞師將事不敬

杜將事致君命孟

獻子曰卻氏其亡乎禮身之幹也敬身之基也卻子無

基林禮所以立故在身如垣牆之有基卻錡不敬是無基也且先

君之嗣卿也受命以求師將社稷是衛而惰棄君命也

不亡何為

杜卻錡卻克子故曰嗣卿為十七年晉殺卻錡傳○情徒臥反

○三月公如

京師宣伯欲賜

林宣伯即僞如欲王賜已

請先使王以行人之禮禮

焉

杜不加辱使所吏反

孟獻子從王以為介而重賄之

介輔相威儀者

獻子相公以禮故王重賜之○從才用反介音界

公及諸侯朝王遂從劉康公

成肅公會晉侯伐秦

杜劉康公王季子劉成二公不書兵不加秦林朝王畢事遂從劉成

二公會晉侯伐秦傳明晉厲公不與朝

成子受脤于社不敬

杜脤宜社之內也盛以脤

器故曰脤宜出兵祭劉子曰吾聞之民受天地之中以

生所謂命也是以有動作禮義威儀之則以定命也

林

者至正大中之理凡民皆受天地大中之理以生所謂上天賦命即此大中之理則法也聖人因天理之自然而為之節文是以有動作禮義威儀之法則所以安定上天所賦之命而使之勿失能者養之

以福

杜養威儀以致福

不能者敗以取禍是故君子勤禮小人

盡力

林在上君子以勤禮臨下為天命在下小人以盡力事上為天命。盡津惡反下同

勤禮莫

如致敬盡力莫如敦篤敬在養神篤在守業

林致敬之道在養其

神明之舍敦篤之道在守其本然之業

國之大事在祀與戎祀有執膳

林

祭肉。○我有受賑神之大節也。杜交神之大節今成子情棄其

命矣。

杜情則失中和之氣

其不反乎。

杜為成肅公卒于瑕張本

○夏四月戊午

晉侯使呂相絕秦。

杜呂相親弒于蓋口宣已命。相息亮反。

曰昔逮我獻公

及穆公。

杜晉獻公秦穆公速晉代又大討反。

相好戮力同心申之以盟

誓重之以昏姻。

林二公盟雖不載於經傳然好必有盟可以意曉杜穆公夫人獻公之女。好

呼報反下同戮音六嵇康力幽反字林音遼

天禍晉國文公如齊惠公如秦

林晉文公以僖五年奔狄處狄十二年而行及齊齊桓公妻之晉惠公奔梁在僖六年秦納惠公在僖九年杜

辟驪姬也不言狄梁舉所恃大國

無祿獻公即世。

林即世卒也在僖九年

穆公不



忘舊德俾我惠公用能奉祀于晉

杜僖十年秦納惠公

又不能成

大勲

林不能始終成就其立惠之大功

而為韓之師

杜僖十五年秦伐晉獲惠公

亦

悔于厥心用集我文公

林集成也用能成我文公而納之于晉在僖二十四年

是

穆之成也

杜成功於晉

文公躬擐甲胄跋履山川

林擐貫也

在前曰胄杜草行為跋

○擐音惠跋蒲未反 踰越險阻征東之諸侯虞夏商

周之胤而朝諸秦則亦既報舊德矣

林難下曰險難上曰阻秦居西方故

以諸侯為東言東方諸侯皆四代之嗣諸侯朝秦事無所攷想當是時必有往朝于秦者因文致之耳

鄭

人怒君之疆場我文公帥諸侯及秦圍鄭

杜晉自以鄭祇於楚故圍

之鄭非侵秦也晉以此誣秦事在秦大夫不詢于我寡  
舊三十年○疆居良反場音亦

君擅及鄭盟

杜詢謀也盟者秦伯譙言大  
夫○詢思巡反擅市戰反

諸侯疾之將

致命于秦

杜致死命而討秦時無  
諸侯茲諸侯逃致此意

文公恐懼綏靜諸侯

秦師克還無害則是我有大造于西也

杜造成也言晉  
有成功於秦

無祿文公即世

林在僖三  
十二年

穆為不弔

杜不見  
弔傷

蔑死我君

寡我襄公

林輕蔑文公以已死  
以襄公新立為寡弱

迭我殺地奸絕我好伐

我保城殄滅我費滑

杜伐保城誣之費滑滑國都於費  
今緱氏縣林秦滅滑在僖三十三年

年○迭直結反徐音逸殺戶交  
反好音于費扶味反滑于八反

散離我兄弟撓亂我同

盟

林滑晉同姓國故言離散我兄弟滑鄭皆從晉國故云撓亂我同盟。撓乃卯反徐許高反

傾覆

我國家

林謂秦伐滑鄭為欲傾危覆滅晉之國家。覆乎服反下同

我襄公未忘君

之舊勲

杜納文公之勲

而懼社稷之隕是以有散之師

在僖三十三年

○隕于敏反下同

猶願赦罪于穆公

杜晉欲求解於秦

穆公弗聽而即

楚謀我天誘其衷成王隕命

杜秦使闕克歸楚求成事見文十四年文元年楚執

成王穆公是以不克逞志于我

杜逞快也逞勅景反

穆襄即世康

靈即位

文六年晉襄秦穆皆卒

康公我之自出

杜晉外甥

又欲闕剪我

公室傾覆我社稷帥我蝥賊以來蕩搖我邊疆

林此亦文致之

辭闕猶掘也剪截斷之也杜蜚賊食禾稼蟲名謂秦納公子雍○闕其月反徐如字蜚莫侯反爾雅蟲食苗為

蜚食節為賊

我是以有令狐之役

在文七年

康猶不悛入我河曲

杜陵改也林黃河千里而一曲河曲晉地故曰入我河曲○悛七全反

伐我涑川俘我王

官

杜涑水出河東聞喜縣西南至蒲坂縣入河○涑徐息錄反又音速俘芳夫反

剪我羈馬我

是以有河曲之戰

在文十二年

東道之不通則是康公絕我

好也

杜言康公自絕故不殺東通晉

及君之嗣也

杜君秦桓公事在宣五年

我君景

公引領西望曰庶撫我乎

杜引領猶翹首也杜望秦撫恤晉

君亦不患

稱盟

杜不肯稱晉里而共盟○稱尺證反

利吾有狄難

杜謂晉滅潞氏時○難方旦反

入

我河縣焚我箕部焚夷我農功

杜箕部晉二邑焚火攻之也夷傷也○箕音基

一音其部古報反笑所銜反

虔劉我邊垂

虔劉皆殺也

我是以有輔氏之

聚

杜聚衆也在宣十五年○聚才喻反

君亦悔禍之延

延長也

而欲徼福于

先君獻穆

杜晉獻秦穆○徼古堯反

使伯車來命我景公

杜伯車秦桓公子

曰吾與女同好棄惡復修舊德以追念前勲

林言我與女同結新

好共棄舊惡再修舊日之德以追念前人之功勲○女音汝下同好呼報反又如字復音服又扶又反

言

誓未就景公即世

林在十年

我寡君是以有令狐之會

令狐會在

十一年申厲公之命

君又不祥

杜祥善也

背棄盟誓

林十一年盟于

河西秦伯歸而背晉成

白狄及君同州

杜及與也林白狄與秦同居西方雍州

君之

仇讐而我之昏姻也

杜季隗庸答如赤狄之女也自狄伐而獲之納諸文公

君來

賜命曰吾與女伐狄寡君不敢顧昏姻畏君之威而受

命于吏君有二心於狄曰晉將伐女狄應且憎是用告

我

杜言狄雖應答秦而心實憎秦無信○應應對之應

楚人惡君之二三其德也

亦來告我曰

林此曰字以下至以懲不壹皆楚告晉之辭○惡鳥路反

秦背令狐之

盟而來求盟于我昭告昊天上帝

林以功用謂之天以主宰謂之帝○昊戶

反秦三公楚三王

杜三公穆康共三王成穆莊

曰余雖與晉出入余

唯利是視

林曰字下兩句乃秦楚誓辭出入猶往來也言秦雖與晉相來往我惟視其利而從之不

以誠心與晉

不穀惡其無誠德是用宣之以懲不壹

林此不穀乃楚

共告晉自稱

○懲直升反諸侯備聞此言斯是用痛心疾首暱就寡

人

杜疾亦痛也暱親也林言諸侯哀人心疾首惡秦之甚○暱女乙反

寡人帥以聽命唯

好是求君若惠顧諸侯矜哀寡人而賜之盟則寡人之

願也其承寧諸侯以退

杜承君之意以寧靜諸侯

豈敢徼亂

杜徼要也

君

若不施大惠寡人不佞其不能以諸侯退矣

林當以諸侯之兵與

秦大戰

敢盡布之執事俾執事實圖利之

杜俾使也林圖度其利害而行

之秦桓公既與晉厲公為令狐之盟而又召狄與楚欲

道以伐晉諸侯是以睦於晉

杜晉辭多誣秦故傳據此三事以正秦罪○道音導

晉欒書將中軍荀庚佐之

杜唐代荀首○將子匠反凡將某軍者放此

士燮

將上軍

代荀唐

卻錡佐之

代士變

韓厥將下軍

代卻錡

荀罃佐

之

代趙同

趙旃將新軍

代韓厥旃之然反

卻至佐之

代趙括

卻穀御

戎欒鍼為右

卻穀卻至弟欒鍼鍼其庶反書子○鍼其庶反

孟獻子曰晉帥秉和

師必有大功

帥軍帥秉車上○帥所類反秉繩證反

五月丁亥晉師以諸

侯之師及秦師戰于麻隧秦師敗績獲秦成差及不更



女父

林戰敗績不書者蓋以晉稟周命以伐秦師直有功且不使秦得與晉及諸侯戰也成差女父皆秦

大夫杜不更秦爵戰敗績不書以為晉直秦曲則韓枝書戰時公在師獲不煩告克獲有功亦無所諱蓋經文

闕漏傳文獨存○隨音遂差初佳反徐初宜反更音庚女音汝

曹宣公卒于師師遂濟

涇及侯麗而還

杜涇水出安定東南經扶風京兆高陵縣入渭也○麗力馳反

牙晉侯

于新楚

杜迺迎也既戰晉侯止新楚故師還過迎之麻隨侯麗新楚皆秦地○進本又作迎丘稼反

○成肅公卒于瑕

杜終劉子之言瑕晉也

○六月丁卯夜鄭公子

班自訾求入于大宮不能殺子印子羽

杜訾鄭地大宮鄭祖廟十年班

出奔許今欲還為亂子印子羽皆穆公子○訾子斯反大音泰下同

反軍于市

林公子班自訾歸屯

軍于鄭國之市

已巳子駟帥國人盟于大宮

子駟穆公子

遂從而盡

焚之

林子駟既盟國人遂從公子班之師于市而盡焚燒其市

殺子如子駟孫叔孫

知

杜子如公子班子駟班弟孫叔子如子孫知子駟子駟武邦反

曹人使公子負

芻守使公子欣時逆曹伯之喪

杜二子皆曹宣公庶子芻初俱反守手又反

秋負芻殺其大子而自立也

杜宣公大子

諸侯乃請討之晉

人以其後之勞請俟他年

林晉人以伐秦從役之勞苦請於晉君俟他年而討曹

冬葬曹宣公既葬子臧將亡

杜子臧公子欣時

國人皆將從之

杜不義負芻故

成公乃懼

杜成公負芻

告罪且請焉

林告罪於子臧且請留子臧以

繫國人心乃反而致其邑

林子臧乃反曹國而致其私邑於成公不食其祿為十五年執

曹伯傳

經

甲申

十有四年春王正月莒子朱卒

杜無傳九年盟于蒲林即渠丘公卒

黎比公密州立

○夏衛孫林父自晉歸于衛

晉納之故曰歸

○秋叔孫

僑如如齊逆女

成公逆夫人最為得體而經無納幣者文闕絕也

○鄭公子喜

帥師伐許○九月僑如以夫人婦姜氏至自齊

林婦姜氏有姑

之常稱也若妾姑則不書氏是故有成風則出姜不氏有敬嬴則穆姜不氏所以別嫡姑也

○冬十

月庚寅衛侯臧卒

杜丘同盟林定公卒子獻公衍立

○秦伯卒

杜無傳二年大

夫盟於蜀而不赴以名例在  
隱七年林桓公卒子景公立

傳十四年春衛侯如晉晉侯強見孫林父焉

杜林父以七年春晉

強見欲歸之。強其大反見賢適反下同

定公不可夏衛侯既歸晉侯使卻

犇送孫林父而見之衛侯欲辭定姜曰不可

杜定姜定公夫入林

言不可不受林父

是先君宗卿之嗣也

林林父孫良夫子是衛同姓之卿之嗣子也

大國又以為請不許將亡雖惡之不猶愈於亡乎君其

忍之

杜達大國必見伐故亡。為如字或于偽反惡烏路反

安民而宥宗卿不亦

可乎

林不激晉伐則為安民赦林父罪則為宥宗卿。宥音又

衛侯見而復之

杜後林父

位

衛侯饗苦成叔

杜成叔  
卻鞏

甯惠子相

杜相佐禮惠子甯  
殖。相息亮反

苦成叔傲甯子曰苦成家其亡乎古之為享食也以觀

威儀省禍福也故詩曰兕觥其觶旨酒思柔

林君有君  
之威儀臣

有臣之威儀故可以觀瞻其威儀謙抑則受福踴滿則

受禍故可以省察其禍福杜詩小雅言君子好禮飲酒

皆思柔德雖設兕觥觶然不用以兕觥為觶所以罰不

敬觶陳設之貌。敬五報反下同食音嗣兄徐辭姊反

觶古橫反觶徐音蚪彼交匪傲萬福來求

杜彼之交於  
事而不惰傲

又巨彪反又巨秋反

乃萬福今夫子傲取禍之道也

林謙者自然受福則傲  
者自然取禍此必然之

理為十七年

卻氏亡傳

○秋宣伯如齊逆女稱族尊君命也

林為  
君逆

故稱叔孫以尊君命

○八月鄭子罕伐許敗焉

林子罕即經書公孫喜杜為許所敗

○敗必邁反

戊戌鄭伯復伐許唐子入其郭

杜郭郭也。復扶又反。

許

人平以叔申之封

四年鄭公孫中疆許田許人敗之不得定其封疆今許以是所封田求和

於鄭

○九月僑如以夫人婦姜氏至自齊舍族尊夫人也

杜舍族謂不稱叔孫。舍音捨。

故君子曰春秋之稱微而顯

林稱權衡也言春秋

書法權衡其輕重辭微而義顯。稱尺證反。

志而晦

志記也晦亦微也謂約言以記事事叙而文微

○晦呼內反

婉而成章

婉曲也謂曲屈其辭有所辟諱以示大順而成篇章。婉怨晚反。

盡

而不汙

謂直言其事盡其事實德惡而勸善杜善名必無所汙曲。汙憂子反。德惡而勸善書惡名不

滅所以杜修史策非聖人誰能修之成此五者○衛侯有疾使孔

成子甯惠子立敬如之子衍以為大子杜成子孔達之孫敬如定公妻

衍獻公○衍徐苦旦反冬十月衛定公卒夫人姜氏既哭而息見

天子之不哀也不內酌飲杜夫人姜氏即定姜既哭定公而止息見大子衍無哀戚

之容痛憤不能食故不納酌飲○內如字徐音納歎曰是夫也將不唯衛國之

敗其必始於未亡人林夫賤者之稱杜定姜言獻公行無禮必從已始下言暴妻使余是

也烏呼天禍衛國也夫吾不獲鱣也使主社稷鱣衍之母弟○

夫音扶鱣徐市變反一音專大夫聞之無不聳懼孫文子自是不敢

舍其重器於衛

林孫文子即林父重器寶器也孫文子懼禍故不敢舍其寶器於衛國。聶息

勇反舍音赦或音捨

盡寘諸戚

杜寘置也戚孫氏邑。寘之政反

而甚善晉大夫

杜備亂起故以爲援焉襄十四年衛侯出奔傅

經

乙酉

十有五年春王二月葬衛定公

無傳

○三月乙巳仲

嬰齊卒

杜無傳襄仲子公孫歸父弟宣十八年逐東門氏既而又使嬰齊紹其後日仲氏

○癸

丑公會晉侯衛侯鄭伯曹伯宋世子成齊國佐邾人同

盟于戚

音戚

○晉侯執曹伯歸于京師

杜不稱人以執者曹伯罪不及

民歸之京師禮也林特書晉侯討有罪也

○公至自會

無傳

○夏六月宋公固



卒

杜四同盟林共卒子平公成立

○楚子伐鄭。秋八月庚辰葬宋

共公

三月而葬連共音恭

○宋華元出奔晉。宋華元自晉歸于

宋

明華元欲挾晉自重故以外納告

宋殺其大夫山

杜不書氏明背其族林此蕩澤稱國

以殺而山不書氏有司法守之辭也

宋魚石出奔楚

公子目夷之魯孫

○冬十有

一月叔孫僑如會晉士燮齊高無咎宋華元衛孫林父

鄭公子鮪邾人會吳子鍾離

杜吳夷未嘗與中國會今始來通晉帥諸侯大夫而

會之故殊會明本非同好鍾離楚邑淮南縣林此會吳之始亦晉以諸侯之大夫會吳之始自是大夫自為會矣。變息協反答其九反鮪音秋

○許遷于葉

杜許畏鄭南依楚故以自遷為文葉今南葉縣

也林傳曰葉在楚國方城  
外之蔽也。○葉舒涉反

傳十五年春會于戚討曹成公也

杜討其殺太子而自立事在十三年執

而歸諸京師書曰晉侯執曹伯不及其民也

林左氏謂曹成公惡

不及民故不稱人以執此春秋例也愚按稱  
晉侯執曹伯此為討罪特書不可以例為拘

凡君不道

於其民諸侯討而執之則曰某人執某侯

林此左氏稱人之例以為

衆所欲執也

不然則否

林謂身犯不義者傳例自不可廢但不可以為拘

諸侯將見

子臧於王而立之子臧辭曰前志有之曰聖達節

林志書也

節禮節也聖人應天順人不拘常禮如唐虞禪夏殷  
周繼湯武革命達其禮節無可無不可。見隋通反次

守節

杜謂賢者

下失節

杜愚者妄動

為君非吾節也雖不能聖敢

失守乎遂逃奔宋○夏六月宋共公卒

為下宋亂起

○楚將

北師

林楚居南方將爭鄭衛故曰北師

子囊曰新與晉盟而背之無乃

不可乎子反曰敵利則進何盟之有

杜晉楚盟在十二年子囊莊王子公

子自○囊乃邵反

申叔時老矣在申

老歸本邑

聞之曰子反必不免

信以守禮禮以庇身信禮之亡欲免得乎

林盟誓之信所以守會同

之禮會同之禮所以庇身大失之身棄信背禮是亡之也言不得免○庇必利反又音祕

楚子侵鄭

及暴隧

林鄭地

遂侵衛及首止

林衛地

鄭子罕侵楚取新石

林新石  
楚邑

樂武子欲報楚韓獻子曰無庸

杜庸用也

使重其罪

民將叛之

杜背盟數戰罪也林楚國之民不直其君則將有叛

無民孰戰

為明年晉敗楚

於郢  
陵傳

○秋八月葬宋共公於是華元為右師魚石為左

師蕩澤為司馬

杜蕩澤公孫壽之孫蕩意諸之子

華喜為司徒

華父督之玄孫

公孫師為司城

莊公孫

向為人為大司寇鱗朱為少司寇

鱗臚孫。少  
詩照反下同

向帶為大宰魚府為少宰蕩澤弱公室殺

公子肥

杜輕公室以為弱故殺其枝黨肥文公子。帶音帶本又作帶太音泰

華元曰我

為右師君臣之訓師所司也

林凡宋國教訓君臣上下之道此右師職守之所司

也主今公室卑而不能正

杜不能討蕩澤

吾罪大矣不能治官敢

賴寵乎

林不能治其官守敢倚賴其君之寵祿乎

乃出奔晉二華戴族也司

城莊族也

林華元右師華喜司徒宋戴公之子孫公孫師宋莊公之子孫

六官者皆桓

族也

杜魚石蕩澤向為人鱗朱向蕩魚府皆出桓公

魚石將止華元魚府曰石

師反必討是無桓氏也

杜恐華元還討蕩澤并及六族

魚石曰右師苟

獲反雖許之討必不敢

杜言畏桓族強

且多大功國人與之不

反懼桓氏之無祀於宗也

華元大功克合晉楚之成劫子反以免宋國林恐國人怨

桓氏逐華元遂滅其族是不得祭祀於宋國也

右師討猶有戍在

杜向戌桓公曾孫言

其賢華元必不討。戌音恤。

桓氏雖亡必變

杜預不盡

魚石自止華元于

河上請討

林華元請討蕩澤

許之乃反使華喜公孫師帥國人

攻蕩氏殺子山

杜喜師非桓族故使攻之林子山即蕩澤

書曰宋殺其大夫

山言背其族也

杜蕩氏宋公族還害公室故去族以示其罪

魚石向為人鱗

朱向蕩魚府出舍於睢上

睢水名五大夫畏同族罪及將出奔。睢音雖徐許惟反

又音

華元使止之不可冬十月華元自止之不可乃反

杜五子不止華元還

魚府曰今不從不得入矣

不得後入宋

右師視速

而言疾有異志焉若不我納今將馳矣登丘而望之則

馳騁而從之

林魚府乃登高丘而望華元之歸果馳騁而去五大夫亦騁而逐之欲與華元俱歸

○登丘而望之則馳絕旬馳數景反

則決睢澁閉門登陴矣

林澁水涯也華元已決壞

睢水之涯閉宋城門登陴守

左師二司寇二宰遂出奔

楚

林四大夫不書獨魚石告為十八年魚石復入彭城傳

華元使向戌為左師老

佐為司馬樂商為司寇以靖國人

老佐戴公五世孫○商以制反

○晉

三卻害伯宗

林晉三卻卻錡卻至卻犇也疾害伯宗之賢

譖而殺之及欒弗

忌

欒弗忌晉賢大夫

伯州黎奔楚

杜伯宗子○黎力谷反

韓獻子曰卻氏

其不免乎善人天地之紀也而驟絕之不亡何待

杜既殺伯

宗又及弗忌故曰驟也為十七  
年晉殺三卻傳○驟杜救反  
初伯宗每朝其妻必戒

之曰盜憎主人民惡其上子好直言必及於難

林言主人非得

罪於盜賊而盜賊每憎嫉之上人非得罪於下民而下  
民每毀惡之直言非有約於禍難而禍難每隨及之傳

見雖婦人之言不可廢○惡  
馬路反好時報反難乃旦反○十一月會吳于鍾離始

通吳也

杜始與中國接

○許靈公畏偪于鄭請遷于楚辛丑楚

公子申遷許于葉

左傳杜林合注卷二十三